



JORNAL do Parlamento Nacional

VI LEGISLATURA

1.ª SESSÃO LEGISLATIVA (2023-2028)

REUNIÃO PLENÁRIA DE 25 DE SETEMBRO DE 2023

Presidente: Ex.^{ma} Sr.^a Maria Fernanda Lay

Vice-Presidentes: Maria Terezinha da Silva Viegas
Ex.^{mo} Sr. Alexandrino Afonso Nunes

Secretária: Ex.^{ma} Sr.^a Virgínia Ana Belo

Vice-Secretárias: Ex.^{ma} Sr.^a

SUMÁRIO

Sr.^a Presidente Maria Fernanda Lay declara aberta sessão plenária iha tuku 9 liu minuto 13 dadeer no halo kedas leitura ba agenda serbisu loron ne'e nian.

Antes Ordem do Dia – Leitura ba carta justificação falta Deputada Helena Martins Belo nian, no tuir kedas ho leitura ba relatório kona-ba

participação delegação Parlamento Nacional nian iha reunião *ASEAN Inter-Parliamentary Assembly* nian.

Tuirmai, Câmara halo discussão no aprovação ba voto pesar ba falecimento Sr. Antoninho Carvalheira Manos «Maubere» nian.

Iha intervenção oin-oin, Deputado sira aborda kona-ba: comportamento la di'ak husi tratorista no extensionista sira MAP nian iha Município Lautém; ponte nia condição aat iha Município Lautém; ema ho *Id* falso lança lia-bosok iha *Facebook*; companhia Olgape ne'ebé abandona projeto construção barragem iha mota Dilór; atuação polícia nian hasoru vendedor ambulante sira; ofensa verbal husi membro F-FDTL balu iha Hera hasoru motorista PN nian; falta médico iha área rural; bebé ne'ebé mate iha nia inan nia kanotak, iha HNGV; implementação Programa Merenda Escolar iha município; impacto husi falta muro no pessoal segurança iha escola balo; preço foos no cigarro; circulação cigarro legal sira; loron nacional ba lian gestual; número guarda florestal iha Manufahi; falta equipamento no transportes ba guarda florestal sira; falta haris-fatin iha mercado municipal no mercado sira posto administrativo; necessidade atu harii filafali terminal ba transporte público iha município; falta ambulância iha Posto Administrativo Fatuberliu; membro PNTL no F-FDTL balu ne'ebé animal maus no fuik iha Manufahi; necessidade atu cria balcão único ba tratamento documento; membro PNTL ne'ebé la hatudu profissionalismo bainhira atua; funcionário nível ki'ik sira-nia salário; desempenho Secretário SEATOU nian; sasán folin aas iha mercado; carreta husi Indonésia lori sasán ilegal tama Suai; circulação transporte público iha cidade Díli; venda carreta iha tasi-ibun Tasi-Tolu; devolução restos mortais husi funu-na'in sira ne'ebé lakon durante luta ba ukun an; emigração trabalhador timoroan no imigração trabalhador estrangeiro iha Timor-Leste; confronto iha Baucau; falta acesso ba bee moos ba comunidade iha Posto Quelicai; falta ai-moruk contra tétano iha posto saúde sira; atraso pagamento subsídio ba agricultor café sira; risco husi ai-hun boot sira iha estrada Railaco ba Ermera; falta acesso ba bee moss ba comunidade

Posto Venilale; condição irrigação iha Posto Venilale; rádio Parlamento Nacional nian acessível ona ba comunidade iha município Lautém no Ainaro acesso ona ba; desempenho SEFOPE nian; atualização informação kona-ba Orçamento Retificativo 2023 nian iha plataforma *online* sistema financeiro nian; percentagem execução OGE RAEOA no CLN nian; construção torre *Telkomcel* nian balu iha Díli laran; acesso ba estrada ba comunidade sira iha aldeia Ainesi, iha Manufahi; condição estrada entre aldeia Kasnafar no aldeia Leilaus; condição dormitório estudante Oe-Cusse sira-nian iha *Kampung Baru*; condição Ró Nakroma no nia impacto ba passageiro husi Ataúro no Oe-Cusse; polémica kona-ba professor contratado sira; condição husi trator sira iha município Lautém; avaria eletricidade iha Oe-Cusse; incentivo ba pessoal APS nian iha Oe-Cusse; fotografia Presidente RDTL nian iha sala escola balu nian; pagamento ba projeto ne'ebé finaliza ona iha 2017; estatuto husi pessoal sira Guarda Lorosa'e nian; circulação bicicleta elétrica iha estrada pública; motorista tum-tum la iha carta condução; placa loja chinesa nian iha município usa letra china nian; pagamento subsídio alimentação nian ba funcionário serviço quarentena nune'e mós funcionário destacado iha Oe-Cusse, preparação boletim voto ba eleição suco no aldeia sira-nian.

Ikusliu, Vice-Ministro dos Assuntos Parlamentares (Adérito Hugo da Costa) hatán ba pergunta hirak ne'ebé Deputado sira foti.

Ordem do Dia – 1. Discussão e votação do Projeto de Resolução do Plano Estratégico do Parlamento Nacional para 2023-2027; 2. Eleição do Comissário da Comissão Anti-Corrupção. Sr. Deputado sira-ne'ebé halo intervenção maka David Dias Ximenes «Mandati», Maria Angélica

Rangel da C. dos Reis no Aniceto Longuinhas Guterres Lopes (FRETILIN), António da Conceição «Kalohan» (PD), Olinda Guterres (KHUNTO), Francisco da Costa «Ikulay» (CNRT), Manuel Henrique Noronha (PD), Gabriel Soares (CNRT), Maria Teresa da Silva Gusmão (PD), António Verdial de Sousa (KHUNTO), Mariquita Soares (FRETILIN), Maria Angelina Lopes Sarmento (PLP), Antoninho Doutel Sarmento no António Moniz Calau (FRETILIN), Carminda Carlota (CNRT), Helena Martins no David Dias Ximenes «Mandati» (FRETILIN), Marcos Soares Martins (CNRT), Luís Roberto da Silva (KHUNTO), Cedelízia Faria dos Santos (CNRT), Abel dos Santos (PLP), Armando dos Santos Lopes (PD), Firmínio Taequi no Natalino dos Santos Nascimento (CNRT), José da Cruz no Antoninho Bianco (FRETILIN), Maria Gorumali Barreto (CNRT).

Sr.^a Presidente declara taka sessão ne'e iha tuku 1 liu minuto 17 lokraik.

Sr.^a **Presidente** (Maria Fernanda Lay): — Bom dia, Srs. Deputados.

Se iha quórum de funcionamento, ita hahú.

Halo favor.

Horas hatudu tuku 9 liu minuto 13.

Srs. Deputados, ita iha 35 Deputados, ita iha quórum para hahú. Hodi nune'e, dala ida tan, Excelências, Sr. Vice Ministro dos Assuntos Parlamentares mós halo favor hola fatin, ha'u hakarak hato'o ita-nia agenda ba loron ohin, 25 de setembro 2023.

Período de Antes da Ordem do Dia:

1. Justificação de falta da Sr.^a Deputada Helena Martins Belo;
2. Discussão e votação do voto de pesar pelo falecimento do Sr. Antoninho Carvalheira Manos «Maubere»;
3. Apresentação e apreciação do Relatório de Atividades da Delegação Parlamentar à 44.^a Assembleia Geral da *ASEAN Inter-Parliamentary Assembly* ou *AIPA*;
4. Intervenções diversas dos Srs. Deputados;
5. Intervenção do Sr. Vice-Ministro dos Assuntos Parlamentares sobre questões suscitadas pelos Srs. Deputados.

E, por último, Período da Ordem do Dia, ita iha Discussão e votação do Projeto de Resolução do Plano Estratégico do Parlamento Nacional para 2023-2027, ne'ebé kleur tebes ona e precisa aprovação do Plenário para pôr na prática no Orçamento 2024.

E, última do Período da Ordem do Dia, Eleição do Comissário da Comissão Anti-Corrupção.

Hodi nune'e, ha'u husu kedas ba Sr.^a Secretária atu lê hela justificação de falta da Sr.^a Deputada Helena Martins Belo.

Sr.^a **Secretária da Mesa** (Virgínia Ana Belo): — Obrigada, Sr.^a Presidente.

Bom dia ba Ita-Boot, ba Vices, ba colega Deputado sira hotu no audiência tomak.

«Requerimento de justificação de falta

Ex.^{ma} Sr.^a Presidente do Parlamento Nacional,

Helena Martins Belo, Deputada ao Parlamento Nacional, pertencente à Bancada da FRETILIN, vem requerer a V. Ex.^a que se digne considerar justificada a falta dada à reunião do Plenário no dia de 28 de agosto de 2023, por motivo da atividade política, o que faz nos termos e para os efeitos

previstos nos artigos 8.º, n.º 1, alínea b), n.º 2 e n.º 3 e artigo 5 n.º 2 da Lei n.º 5/ 2004, de 5 de maio, e o artigo 10.º n.º 1, alínea e), do Regimento do Parlamento Nacional.

19 de setembro de 2023

A Deputada Helena Martins Belo».

Sr.ª **Presidente**: — Muito obrigada, Sr.ª Secretária.

Srs. distintos Deputados, tanba ida n.º 2, voto de pesar, sei circula iha Ita-Boot sira para hetan assinatura dos proponentes, ita hakat liu ba agenda n.º 3, que é Apresentação e apreciação do Relatório de Atividades da Delegação Parlamentar à 44.ª Assembleia Geral da *ASEAN Inter-Parliamentary Assembly*.

Ha'u bolu Relatora, Sr.ª Deputada Sancha, atu hato'o hela relatório.

Halo favor.

Nia cópia iha hotu ona Sr. Deputado sira-nia liman, Sr.ª Deputada relatora sei lê intenção presença Timor-Leste iha *AIPA*, e depois, vai imediatamente para a página 5 onde iha-ne'ebá país sira iha diálogo, sira-nia interação ho Timor-Leste.

Obrigada.

Faz favor, Sr.ª Deputada.

Sr.ª **Relatora da Delegação Parlamentar a AIPA** (Sancha Margarida Tilman): — Relatório da atividade delegação ba Assembleia *Inter-Parliamentary ASEAN*, ne'ebé hala'o iha Jacarta, loron 5 to'o 10 fulan-agosto tinan 2023.

Ita hakat liu ba iha página n.º 5.

« ...**Declaração países membros AIPA nian liga ho posição Timor-Leste**

Declaração husi Camboja

- Camboja no Timor-Leste desenvolve tiha ona relação di'ak ho cooperação ba benefício mútuo, hahú kedas husi estabelecimento relação diplomática iha tinan 2002. Iha tinan sira ikus ne'e, relação bilateral entre parte rua haluan tan ona liuhusi visita intercâmbio iha nível alto, no fortalecimento cooperação iha área oioin, inclui comércio, especialmente iha setor agricultura (foos), transporte aéreo, educação, turismo no emprego.

- Parlamento Camboja congratula Timor-Leste ne'ebé, em princípio, atu tama ona ba membro *ASEAN* ba dala-11, no mós roteiro ne'ebé *ASEAN* adota ona hodi facilita Timor-Leste cumpre requisito sira hodi sai membro definitivo *ASEAN*.

- Camboja compromete atu respeita nafatin lei internacional no resolve disputa sira liuhusi dalan paz. Liuhusi *AIPA* no fórum parlamentar seluk, Camboja hakarak avança ho cooperação regional hodi resolve problema existente no hasoru desafio ne'ebé mosu daudauk, no mós assegura katak recuperação socioeconómica ne'e sustentável, ambientalmente amigável, inclusivo no resiliente.

Camboja hakarak desenvolve liután relação no cooperação ho Timor-Leste no fiar metin katak Timor-Leste ninia envolvimento iha *ASEAN* sei fó contribuição importante ba *ASEAN*, hodi realiza ninia visão no objetivo sira.

Declaração husi Indonésia

- Indonésia congratula Timor-Leste ba resultado Cimeira *ASEAN* ba dala-41 iha Phnom Penh, Camboja, iha fulan-novembro 2022, ne'ebé, em princípio, aceita atu simu Timor-Leste sai membro *ASEAN*.

- Indonésia fiar katak filiação Timor-Leste nian ba *ASEAN* sei sai hanesan conquista ida no sei resulta contribuição significativa hodi hametin inclusividade *ASEAN*. Ho presença Timor-Leste nian, *ASEAN* sei forma representativa ida boot liu iha região sudeste asiático. Indonésia espera katak *AIPA* sei fó apoio total ba transição Timor-Leste nian hodi sai membro definitivo *ASEAN*.

- Cooperação entre Indonésia ho Timor-Leste intensiva tebes iha área oioin, hanesan economia no comércio, infraestrutura, investimento, educação, desenvolvimento recurso humano no estabilidade política. Timor-Leste no Indonésia precisa serbisu hamutuk hodi hasa'e conectividade infraestrutura, inclui desenvolvimento infraestrutura iha fronteira. Indonésia comprometido atu encoraja empresa estatal Indonésia nian hodi continua participa iha desenvolvimento Timor-Leste nian, liuliu iha setor infraestrutura.

- Indonésia reconhece importância husi país rua atu resolve seguimento fronteira terrestre, particularmente iha Noel Besi Citrana no Bijael Sunan-Oben. Timor-Leste ho Indonésia partilha fronteira terrestre ho nia naruk 268,8 km, ne'ebé bele desenvolve hanesan ponto conectividade no mós centro ba crescimento. Parlamento Indonésia nian comprometido atu fó apoio necessário ba negociação fronteira terrestre país rua nian.

- Indonésia fiar katak cooperação parlamentar ne'e fundamental tebes no exerce papel importante hodi hametin relação entre país *ASEAN* ho parte externa, inclui ho Timor-Leste.

Declaração husi Brunei Darussalam

“Brunei Darussalam declara ninia apoio ba vontade Timor-Leste nian atu tama *ASEAN*, no espera katak relação no cooperação entre país rua sei hametin liután iha setor oioin hodi contribui ba região ida iha paz, estável no próspera”.

Declaração husi Vietnam

- Vietnam ho Timor-Leste explora tiha ona área cooperação balu, hanesan agricultura no pesca desde tinan 2010, liuhusi plataforma cooperação técnica no comercial.
- Vietnam mós contribui ona ba apoio formação pessoal Timor-Leste nian iha área oioin.
- Vietnam continua hatudu nia vontade atu desenvolve relação no cooperação ho Timor-Leste.
- Iha tempo badak Vietnam sei organiza fórum interparlamentar ba jovem parlamentar sira, no pronto atu simu participação husi delegação Timo-Leste”.

Declaração husi Filipina

- “Filipina ho Timor-Leste celebra ona tinan 20 husi sira-nia relação diplomática iha tinan 2022.
- Filipina reconhece relação diplomática ne’ebé di’ak tebes ho Timor-Leste durante década rua nia laran.
- Filipina expressa sira-nia consistência hodi apoia Timor-Leste nia processo adesão ba *ASEAN* no continua atu serbisu hamutuk hodi ajuda Timor-Leste preenche requisito sira-ne’ebé *ASEAN* hatuur iha roteiro.

Declaração husi Tailândia

- Congratula membro Parlamento Nacional foun ne’ebé foin simu posse iha fulan-junho tinan 2023, no hakarak buka meios atu halo cooperação parlamentar entre parlamento país rua nian.
- Tailândia suporta aspiração Timor-Leste nian ba *ASEAN* no reconhece relação diplomática ne’ebé di’ak entre país rua desde tinan 2002.
- Tailândia hakarak explora liután cooperação ho Timor-Leste iha setor oioin hodi lori benefício mútuo ba país rua no mós ba *ASEAN*.
- Tailândia encoraja estabelecimento cooperação parlamentar iha plataforma *AIPA*, hodi hatán ba desafio sira-ne’ebé mosu ohin loron iha região Sudeste Asiático.

Declaração husi República Democrática Popular Laos

- República Laos fiar katak Timor-Leste nia adesão ba *ASEAN* sei contribui maka'as ba paz no desenvolvimento iha região ida-ne’e, tanba ne’e Laos la iha dúvida atu apoia no simu Timor-Leste sai membro *ASEAN*.
- República Laos reconhece relação diplomática ne’ebé di’ak tebes ho Timor-Leste desde tinan 2002.

Declaração husi Malásia

- Malásia reitera sira-nia compromisso hodi apoia Timor-Leste nia adesão ba *ASEAN*.

- Malásia encoraja serbisu hamutuk entre setor privado país rua nian hodi halais desenvolvimento iha Timor-Leste.
- Malásia hanoin katak país rua precisa explora liután cooperação iha setor oioin hodi troca ideia ba malu.
- Malásia encoraja nação membro *ASEAN* nian atu partilha ho Timor-Leste kona-ba prosperidade, ideia no tecnologia, particularmente investe iha hidroelétrica.

Reunião bilateral sira

a) Reunião ho delegação Arménia

Reunião ho delegação Arménia nian realiza iha loron 07 fulan-julho tinan 2023, iha horas tuku 09h00 to'o 09h20.

Arménia, nu'udar iniciador husi reunião ida-ne'e, expressa sira-nia vontade atu coopera ho Parlamento Nacional iha plataforma bilateral, regional no multilateral. Arménia partilha informação sira relativo hodi luta povo Artaskh husi Nagorno-Karabakh ba autodeterminação ne'ebé hetan impedimento husi Azerbaijão.

Povo Artaskh maioria husi Arménia ne'ebé hela iha zona enclave Azerbaijão nian, Azerbaijão bloqueia ho meios oioin halo agressão ba Artaskh, bloqueia ajuda humanitária hakotu acesso eletricidade ba ema rihun atus-ida resin, além de ocupa território balu husi Arménia nian. Nune'e, haree ba experiência passada ne'ebé quase hanesan, Arménia husu apoio Timor-Leste nian ba caso povo Artaskh no Arménia hasoru Azerbaijão iha fórum diplomático oioin.

Hatán ba pedido ne'e, Timor-Leste reitera ninia posição nu'udar país ne'ebé promove paz no estabilidade, no husu ba Arménia no Azerbaijão atu resolve problema Artaskh nian liuhosi mecanismo diálogo no reconciliação. Timor-Leste mós expressa nia solidariedade ba povo Artaskh no Arménia ne'ebé sofre consequência husi conflito ida ne'e. Timor-Leste sei buka meios hotu ne'ebé possível hodi serbisu hamutuk ba solução pacífica entre Arménia, Azerbaijão no Artaskh.

b) Reunião ho Delegação Japão

Iniciativa reunião mai husi delegação Japão nian, iha loron 7 agosto 2023, tuku 01h30-02h00. Japão reafirma ninia apoio constantemente ba construção aeroporto Timor-Leste. Japão considera, relação entre país rua nu'udar parceira estratégica iha região indo-pacífico. Japão mós aprecia tebes ho Timor-Leste ninia avanço iha liderança feto, no espera katak Japão sei mós hetan progresso iha assunto sira kona-ba balanço género, liuliu envolvimento feto iha vida política. Japão sei continua apoia Timor-Leste iha programa capacitação recursos humanos no continua apoia Timor-Leste atu sai membro *ASEAN*, tanba Japão rasik mós halo cooperação di'ak iha plataforma *ASEAN*.

Aproveita reunião ida-ne'e, delegação Timor-Leste nian agradece ba Japão nia apoio iha processo desenvolvimento liuhosi programa oioin, ne'ebé país rua desenvolve hamutuk, liuhosi Governo no organização não-governamental hanesan *JICA*, *OISCA*, programa voluntária, no área sira seluk. Timor-Leste mós encoraja Japão atu promove feto iha vida política, no continua husu Japão nia apoio ba processo adesão Timor-Leste nian ba *ASEAN*.

c) **Reunião ho Delegação Ucrânia**

Encontro ho Ucrânia realiza iha loron 7 agosto 2023, tuku 05h30 to'o tuku 06h00. Ucrânia reconhece solidariedade ne'ebé Timor-Leste hatudu iha sira-nia luta hasoru Rússia, hodi defende integridade territorial no sira ninia existência nu'udar povo ida. Ucrânia considera Timor-Leste hanesan amigo besik liu maski ho distância ne'ebé dook. Ucrânia precisa tebes apoio internacional hodi hakotu Rússia ninia hahalok genocídio hasoru sira-nia povo. Povo no Governo Ucrânia hakarak solução paz, maibé Rússia hakarak liu usa ninia força militar hodi continua hanaruk sofrimento povo Ucrânia nian. Iha tempo badak sei realiza encontro boot ida ho naran “Plataforma Crimea” ka *Crimea Inter-Parliamentary*, iha Praga hodi mobiliza apoio internacional ba crise ne'ebé sira hasoru, no husu mós ba Parlamento Nacional atu participa. Horas ne'e daudauk, iha ona nação 30 mak apoia atu harii tribunal internacional hodi julga crime de guerra ne'ebé Rússia comete tanba tama ona ba categoria genocídio. Ucrânia mós continua convida delegação Timor-Leste atu halo visita ida hodi haree rasik situação ne'ebé ninia povo hasoru.

Timor-Leste continua hatudu ninia sentimento solidariedade ba terus no estragos ne'ebé povo Ucrânia sofre. Timor-Leste hanoin katak uso arma la'ós dalan ne'ebé apropriado hodi resolve conflito, tanba arma sei lori de'it sofrimento ne'ebé precisa tempo naruk hodi bele recupera hikas. Dalan di'ak liu mak mecanismo paz, diálogo no reconciliação, nune'e Timor-Leste encoraja país rua atu hili dalan paz nian iha sira-nia esforço ba resolução conflito.

d) **Encontro ho Delegação Geórgia**

Encontro ho Geórgia realiza iha loron 8 agosto, tuku 09h00 to'o 09h30 nu'udar iniciativa própria husi delegação Geórgia nian.

Ponto importante ne'ebé Geórgia hato'o iha encontro ne'e mak hanesan tuirmai:

- Geórgia hato'o sira-nia apoio ba Timor-Leste ninia vontade atu sai membro *ASEAN*;
- Geórgia expressa ninia interesse atu desenvolve relação ne'ebé besik liu ho Timor-Leste;
- Geórgia agradece ba Timor-Leste nia apoio ba resolução ne'ebé sira apresenta iha Nações Unidas kona-ba ocupação Rússia nian ba Geórgia nia território;
- Geórgia partilha ninia história passada kona-ba independência no sucesso ne'ebé sira atinge ona iha sira-nia desenvolvimento, hanesan ocupa número 1 iha transparência orçamento, sistema

aprovisionamento público, no simplificação iha sistema imposto. Sira mós desenvolve sistema serviço pública ho modelo “*one stop shop*” ne’ebé copia ona husi Indonésia no Inglaterra;

- Geórgia husu apoio ba Parlamento Nacional atu canaliza informação ba Governo atu embaixada Timor-Leste iha Portugal mós bele cobre to’o Geórgia hodi facilita cooperação entre país rua;
- Geórgia iha vontade maka’as atu inicia cooperação parlamentar entre país rua nian hodi hametin amizade.

Hafoin rona tiha informação ne’ebé partilha no mós vontade di’ak ne’ebé Geórgia hakarak explora liuhosi cooperação, Timor-Leste expressa ninia apreciação no garante katak parlamento rua sei continua colabora ba malu liuhosi cooperação parlamentar hodi promove paz, estabilidade no desenvolvimento iha nível bilateral no multilateral. Timor-Leste interessado ho sistema transparência fiscal no *service delivery system* ne’ebé aplica ona iha Geórgia. Ba oin, país rua precisa continua serbisu hamutuk la’ós de’ik atu partilha sucesso ne’ebé atinge ona, maibé hodi partilha mós dificuldade ne’ebé país rua hasoru respetivamente.

e) Encontro ho Sr.^a Puan Maharani, *Ketua DPR-RI*

Encontro ho Ketua *DPR-RI*, Senhora Puan Maharani, hala’o iha loron 8 fulan-agosto, tuku 10h30 to’o tuku 11h00, nu’udar iniciativa husi delegação Timor-Leste nian ne’ebé chefia husi Presidente Parlamento Nacional, Sr.^a Maria Fernanda Lay.

Ponto principal sira ne’ebé delegação Timor-Leste propõe iha encontro ne’e mak hanesan tuirmai:

- Aprecia sucesso *DPR-RI* nian nu’udar uma-na’in ba organização *AIPA* ba dala 44 iha tinan ida-ne’e;
- Papel importante husi parlamento país rua nian atu dudu executivo iha processo negociação ba delimitação fronteira terrestre entre país rua ne’e;
- Discute assunto educação no papel husi parlamento rua nian;
- Continua husu apoio *DPR-RI* nian ba aspiração Timor-Leste adere ba *ASEAN*.
- Husu apoio *DPR-RI* nian hodi dudu Governo no setor privado sira investe iha economia no desenvolvimento iha Timor-Leste;
- Propõe cooperação interparlamentar hodi facilita programa intercâmbio entre Deputado no funcionário husi parte rua;
- Fó seguimento ba Nota Entendimento ne’ebé assina ona husi Parlamento Nacional no *DPR-RI* iha tinan 2022, kona-ba programa desenvolvimento recursos humanos iha nível secretariado.

f) Encontro ho *Parliamentary Center of Asia*

Encontro ho *Parliamentary Center of Asia (PCAsia)* realiza iha loron 8 agosto, tuku 11h00. Iha oportunidade ida-ne'e, delegação husi Parlamento Nacional rona apresentação kona-ba perfil *PCAsia* nian, inclui serviço ne'ebé oferece, hanesan tuir mai:

(1) Programa Capacitação

- Diplomacia Parlamentar;
- Pesquisa Parlamentar no *Training of Trainer (TOT)*;
- Capacitação ba análise fiscal;
- Comunicação parlamentar;
- Capacitação ba apoio *AIPA* (Técnica elaboração, técnica comunicação política);
- Abordagem parlamentar ba igualdade género.

(2) Programa partilha experiência no prática di'ak

- Serviço Comissão Parlamentar;
- Técnica elaboração/redação legislativa;
- Responsabilidade Parlamentar;
- Técnica Mediação no Negociação;
- Abordagem Género.

Programa hirak ne'e oferece ba Parlamento sira iha *ASEAN* sem custo, maibé depende ba pedido husi Parlamento. Programa sira ne'e foca liu ba capacitação ba técnico apoio Deputado sira-nian. *PCAsia* hanoin katak programa sira-ne'e importante tebes ba Parlamento Nacional iha faze preparativo hodi sai membro definitivo *ASEAN* no *AIPA* nian.

Iha parte seluk, delegação Parlamento Nacional nian aprecia ho iniciativa *PCAsia* nian ba encontro refere no iha interesse atu hetan apoio técnico ba legislação sira kona-ba código mineiro, reforma fiscal no lei investimento. Legislação hirak ne'e Parlamento Nacional produz tiha ona, no hein katak *PCAsia* bele fó apoio kona-ba regulamento suplementar hodi facilita ninia implementação.

Participa iha cerimónia encerramento

Presidente Parlamento Nacional, Deputada Maria Fernanda Lay, ho delegação participa encerramento ba reunia Assembleia *AIPA* ba dala 44 iha loron 9 fulan-agosto tinan 2023.

Encerramento ne'e hala'o husi *Ketua DPR-RI*, Sr.^a Puan Maharani, hodi entrega mós Presidência *AIPA* ba dala 45 nian ba República Democrática Popular Laos.

Husi relatório ida-ne'e, nia resultado mak:

- Timor-Leste reafirma ninia posição nu'udar país ne'ebé hadomi paz, reitera ita-nia compromisso ba preservação paz no estabilidade liuhosi mecanismo diálogo no reconciliação iha plataforma cooperação multilateral;
- Ita consegue assegura ita-nia visibilidade liuhosi discurso, reunião bilateral no diálogo ho país membro *ASEAN* nian, hodi partilha ita-nia perspectiva sira kona-ba problema global no regional;
- Ita consegue reafirma ita-nia vontade atu sai membro *ASEAN* no comprometido atu hola parte iha esforço tomak hodi contribui ba paz, estabilidade, desenvolvimento sustentável no prosperidade iha região *ASEAN*;
- Ita consegue canaliza solidariedade povo nian ho país sira-ne'ebé enfrenta crise política-militar no crise humanitária, expressa mós ita-nia vontade atu serbisu hamutuk ho país no organização sira hotu iha mundo hodi buka solução ba problema no desafio sira ne'ebé mosu iha século ida-ne'e.

Conclusão

- *AIPA* nu'udar assembleia geral *ASEAN* nian ne'ebé reúne tinan-tinan tanba reconhece papel importante parlamento hanesan órgão ne'ebé legítimo ho competência tomak hodi define no influencia política nacional husi país ida-idak nian iha região *ASEAN*;
- *AIPA* la'ós de'it fó importância ba membro *ASEAN* sira, maibé considera mós contributo husi nação no organização ne'ebé sai nu'udar observador. Iha configuração política global, *ASEAN* precisa país seluk nia tulun hodi resolve problema sira atual ne'ebé mundo ohin loron hasoru;
- Evento *AIPA* loke oportunidade seluk ba país membro no observador sira hodi movimenta diplomacia parlamentar liuhosi reunião bilateral, liuliu facilita entendimento di'ak ba problema comum no benefício mútuo;
- Liuhosi Assembleia Geral *AIPA* ba dala 44 tinan ida-ne'e, país hotu, tanto membro definitivo *AIPA*, país observador no convidado observador sira, hotu-hotu comprometido atu serbisu hamutuk hodi mantém paz no estabilidade iha região *ASEAN*, alcança objetivo desenvolvimento sustentável no inclusivo, hodi garante prosperidade iha região sudeste asiática ne'ebé considerado hanesan epicentro económica iha futuro;
- Nação membro *AIPA* nian maioria congratula decisão coletiva husi *ASEAN* ne'ebé, em princípio, hakarak simu adesão Timor-Leste nian ba *ASEAN*, no expressa vontade atu serbisu hamutuk ho Timor-Leste hodi completa requisito sira-ne'ebé exige husi Roteiro Labuan Bajo 2023 nian ba Timor-Leste ninia processo atu sai membro definitivo *ASEAN*.

Parlamento Nacional, 21 de setembro de 2023.

Chefe Delegação, Deputada Maria Fernanda Lay.

Relatora, Deputada Sancha Tilman».

Mak ne'e de'it, obrigada barak, relatório husi atividade ne'ebé liu ona.

Sr.^a **Presidente**: — Muitíssimo obrigada, Sr.^a Deputada Sancha.

No mós ha'u agradece ba técnicos ne'ebé acompanha delegação *AIPA* bá Jacarta hodi fó relatório ida muito compreensivo, detalhado, kona-ba medidas saida maka ita halo iha oin.

Srs. distintos Deputados, ho relatório ne'e hatudu ne'e katak ema acolhe ita iha *AIPA*. Agora, saida mak ita tem que halo? Troca de experiência ou, como é que hei-de dizer, entre parlamentares sei ocorre, prepara an ba! Em todas as matérias sira sei fó, ita hili saida mak ita hakarak no saida mak prioridade ba ita, em especial, ha'u sugere língua portuguesa ho inglesa, mais uma vez.

Muitíssimo obrigada, e ha'u sei fó no loke ba pergunta ba ida-ne'e, maibé ita ba filafali matéria n.º 2.

A Sr.^a Deputada Sancha pode voltar.

Muito obrigada.

Ita ba fali matéria n.º 2 da nossa agenda, Srs. Deputados, «Discussão e votação do voto de pesar pelo falecimento do Sr. Antoninho Carvalheira Manos «Maubere».

Hodi nune'e ha'u husu Sr.^a Secretária halo favor lê hela.

Sr.^a **Secretária da Mesa** (Virgínia Ana Belo): — Obrigada, Sr.^a Presidente.

«Voto n.º 22/2023, de pesar pelo falecimento de Antoninho Carvalheira Manos “Maubere”.

Faleceu no passado dia 18 de agosto de 2023, no Hospital Nacional Guido Valadares, aos 60 anos de idade, Antoninho Carvalheira Manos “Maubere”, nascido a dia 1 de outubro de 1973 no Suco de Guenulai, Posto Administrativo de Cailaco, Município de Bobonaro, filho de Feliciano Talo Mau e Feliciano Rumat Bere, teve cinco irmãos, sendo ele o primeiro filho.

Casou com Jovita Amaral e tem quatro filhos, Getrudis Maria Rodrigues Magno Atya, Porfírio Artur Atya, Maria dos Santos Atya e Toninha Maria Auxiliadora Gusmão Atya. Só conto quatro filhos.

Ingressou na Escola Primária em Cailaco e estudou até à quarta classe entre 1980 e 1982, tendo depois continuado a estudar na escola pré-secundária em Maliana. A seguir, frequentou a formação de professor para ensino básico em Liceu, mas não a conseguiu terminar e foi capturado pelas tropas indonésias.

Em 1984, ingressou na Escola Secundária de Agricultura *SPP-SPMA*, *SPP-SNAKMA* Indonésia-Fomento.

Durante o tempo da luta em agosto de 1976, em representação da família do Camarada Domingos Mali-Dao, “Manos Manu Caicuta/Manus Maubere», como comandante do setor norte, entregou o cargo para o Camarada António Carvarinho “Maulear” e Camarada Vicente Reis “Sahe”, nessa altura como Comissário Político Pleno Potencial em Poerema, Foho LesuLluli com o objetivo de aprender política como geração Dom Lelo-Pasa.

Entre 1976 e 1978, participou na luta de libertação, apoiando o órgão da estrutura da FRETILIN com a responsabilidade colaboradora política específica de agitação e de apoio à gestão de segurança alimentar na preparação e formação política dos jovens.

Foi recebida orientação do Camarada Cesar Maulaka, Ministro Interno, implementador da principal tutela ao comissário político de apoio à implementação, no terreno, às populações em concentração nas zonas de Poetete-Cailaco, Bata-mao-Atsabe, Barabia-Maubara, Bazartete, Batará-Railaco, Talu Café-Laran-Hatulia, Fatubesi-Hatulia B, Poetete-Gleno, Colimau-Bobonaro, Lepo -Zumalai, Lebos (Lolotoe), Maukatar, Dato Tolu-Fohorem, Fatululik, Fatumea e Tilomar.

Ainda reforçou a Frente Clandestina na Zona de Lolotoe, pela qual eram responsáveis os Camaradas Cruz e Apolinário Barros. No outro lado, teve ligação com o coordenador da Frente Clandestina Lorico Mali-Mali, Camarada Mazer Mau Leki/Mário após entrarem no caixa central clandestina kokitorium, tendo se responsabilizado pelos Camaradas Alexandre Sama Eli e Liurai Tasi até 1999.

Antoninho Carvaheira Manos “Maubere” foi ativo na organização da resistência OGETIL até morrer.

Assim, o Parlamento Nacional, reunido em sessão plenária, expressa o seu profundo pesar pelo falecimento do Antoninho Carvalheira Manos “Maubere”, endereçando sentidas condolências à sua mulher e aos filhos e amigos enlutados.

25 de setembro de 2023.

Os Deputados proponentes, Maria Angélica Rangel da Cruz e Deputado David “Mandati” Dias Ximenes».

Obrigada, Sr.^a Presidente.

Sr.^a **Presidente:** — Mui-tíssimo obrigada.

Srs. Deputados, texto lê-tiha ona. Ha'u husu, se iha correção ruma, ha'u nota katak iha erros na elaboração, mas ha'u husu ba proponente sira bele fundamenta e depois ha'u loke ba discussão.

Halo favor.

Pode ser um dos dois, Sr. Deputado David ou Sr.^a Deputada Maria Angélica.

Muito obrigada.

Sr. **David Dias Ximenes «Mandati»** (FRETILIN): — Bom dia, Presidente, maluk Deputado sira hotu.

Depois da leitura da breve biografia do nosso Irmão e Camarada Antoninho Carvalheira Manos «Maubere», Ita-Boot sira bele nota ona katak ninia participação de longa data nesta luta sangrenta, sanguinária, com todos os seus predicados de sofrimento.

Ne'e duni parece ele ser merecedor deste voto de pesar.

Muito obrigado.

Sr.^a **Presidente**: — Srs. Deputados, se bele mós ha'u loke ba discussão, ha'u nota iha redação iha buat ruma, talvez la loos, bele corrige tanba iha balu que conhece. Iha balu que la conhece talvez lalika comenta, maibé iha sira que hatene dados.

Tanba nune'e, Srs. Deputados, ho respeito tebes, ita dala barak la fó tempo ba processo. Tuir loloos iha líderes das bancadas ita hato'o, texto ne'e ita prepara didi'ak mak ita vota para ter condições para uma votação, porque selae iha redação final ita tem que adita sasán barak que, tuir loloos, labele.

Ne'ebe, dala ida tan ha'u husu para confirma número de filhos, são 4 ou 5, ha'u hato'o de'it para loke. E depois, iha redação seluk talvez ha'u bele aceita, não é? Iha «do», «da», cargo ka buat sira-ne'e ita bele corrige, maibé número de certas coisas que ha'u la iha informação.

Ne'ebe, dala ida tan ha'u husu ba proponente ou sé mak conhece Senhor ne'e, ida-ne'ebé mak loos, número de filhos ida-ne'ebé mak loos?

Ha'u loke ba debate, se tiver mais alguma informação, ha'u agradece ba Ita-Boot sira.

Halo favor, Sr.^a Deputada Maria Angélica.

Sr.^a **Maria Angélica Rangel de C. dos Reis** (FRETILIN): — Muito obrigada, Sr.^a Presidente do Parlamento Nacional, Srs. Vice-Presidentes, Sr.^a Secretária da Mesa, Srs. distintos Deputados.

Agradece ba Parlamento Nacional tanba bele halo agendamento ba voto de pesar ba ita-nia Camarada Antoninho Carvalheira Manos «Maubere», ita-nia companheiro.

Loos duni, Sr.^a Presidente, hakerek iha-ne'e mak dala ruma sala iha «do» «da» sira-ne'e, maibé hakarak dehan loloos katak antes Matebian mate, nia texto sira-ne'e nia hakerek antes hotu kedas, tanba ne'e mak ami mós preocupa, tanba ami, quando husu ba nia oan sira katak nia prepara hotu ona antes nia mate. Tanba nia mate mós la'ós nia moras, nia «atacação» mak nia mate e nia sei ativo hela hanesan funcionário iha Ministério da Agricultura e nia ativo hela iha partido no mós iha organização ne'ebé ami adere ba, OJETIL, tanba ne'e mak ami lori mai iha-ne'e. Maibé, nia oan ne'e na'in-haat duni, Sr.^a Presidente, só que ida mak mate, la tau iha-ne'e falecida, maibé nia oan na'in-haat duni, mane ida no feto tolu, feto ida mak falecida.

Ha'u hanoin, ida-ne'e mak ami hakarak acrescenta tan hanesan proponente tanba dados ida-ne'e Matebian rasik mak hakerek antes «atacação» kona nia.

Ha'u hanoin katak iha correção ki'ik rua mak orsida ami bele husu ba família atubele halo correção, maibé ha'u hatene katak nia oan mane ida no feto na'in-tolu, mas ida mak falecida.

Obrigada.

Sr.^a **Presidente:** — Muitíssimo obrigada.

Então, ideal ita tau katak oan na'in-lima, ida falecida, não é?

Sr.^a **Maria Angélica Rangel de C. dos Reis (FRETILIN):** — Só quatro.

Sr.^a **Presidente:** — Só quatro, *okay*.

Ha'u husu confirma, ha'u husu ida-ida ko'alia, labele hotu-hotu ko'alia, ha'u *bingung*.

Ne'ebe, quem pede a palavra, eu dou e depois agente fala, está bem?

Então hanessan ne'e, Srs. Deputados, ha'u loke ba debate. Se iha adicional ruma tan, não só a Sr.^a Deputada, ha'u repete dala ida tan, ha'u respeita saida mak iha-ne'e, la'ós dehan ha'u la concorda, maibé confirma os dados, por favor.

Agora ida ba ona loos ona, keta iha tan seluk que precisa adita, halo favor, molok ita atu tama ba votação.

Sr. Deputado Aniceto Guterres, halo favor.

Sr. **Aniceto Longuinhos Guterres Lopes (FRETILIN):** — Obrigado.

Bom dia ba Sr.^a Presidente, distintos Deputados.

Parece liafuan balu falta. Começa ho terceiro parágrafo, iha primeira linha ne'e kedas, «ingressou na Escola Primária em Cailaco e estudou até à quarta classe», depois iha-ne'e parece iha liafuan ka letra ida tan «e» tanba nia acaba tiha ona iha quarta classe desde português nia tempo, «e entre 1980 e 1982», «e» ne'e tama ona ba *SMP* nian ona, *SMP* iha Maliana. Tanba ha'u hatene uitoan ninia passagem, aumenta tan liafuan «e», «...e entre 1980...».

Agora iha parágrafo ikus, «O Parlamento Nacional...», tal, tal, ha'u prefere aumenta tan OJETIL ho FRETILIN. Nia parece atual membro Comité Central, se la'ós atual então ex-membro Comité Central...

Sr.^a **Presidente:** — Bele repete, Sr. Presidente Aniceto, para técnico bele toma nota.

Sr. **Aniceto Longuinhos Guterres Lopes** (FRETILIN): — ...Sim. «... endereçando sentidas condolências à sua mulher e aos filhos e à organização OJETIL e ao Partido FRETILIN».

Obrigado, Sr.^a Presidente.

Sr.^a **Presidente**: — Deputado António da Conceição.

Sr. **António da Conceição «Kaloan»** (PD): — Muito obrigado, Sr.^a Presidente.

Bom dia, Sr.^a Presidente no Mesa, bom dia mós ba Deputado no Deputada sira hotu.

Ha'u la halo correção ba texto, maibé ha'u hakarak atu expressa ha'u-nia Bancada nia sentimento ba o sentido do voto de pesar.

Dala barak tebes ita halo voto de pesar iha-ne'e hodi hanoin de'it mak biografia badak ida, ne'ebé karik ita hotu-hotu hakerek ona ba lutador ida, ou funu-na'in ida, ou herói ida, maibé, ha'u hanoin, loron ida ohin iha Parlamento ne'e ita hahú ho voto de pesar ida ba lutador ida, ba ema ne'ebé hakarak ukun rasik an tanba ne'e, ha'u hanoin, importante tebes atu fó duni sentido ida-ne'ebé kle'an bainhira ita hakarak halo voto de pesar hanesan ne'e.

Tanba recentemente ita haree katak quase loroloron ita rona mak ita-nia maluk sira ne'ebé mate ba daudaun, ida-rua, ida-rua, quase loron-loron ita rona, e, tanba ne'e, ha'u hanoin, voto de pesar sira hanesan ne'e ita precisa mós atu haree, loron rua semana ne'e nian karik mós ita rona hanesan Salus, seluk ne'ebé mate, mate hela daudauk. Ne'ebe, halo ita começa hanoin ona katak geração ida-ne'ebé mós mak participa na luta e luta iha ukun rasik an nian hahú daudauk menos ida-ida. Ita precisa fó solenidade ida duni, texto sira hanesan ne'e hadi'a kedas iha li'ur, mai iha-ne'e atu expressa ita-nia sentimento ba heroicidade ema ida-ne'e ninian, o resto são erros gramaticais, erros ortográficos, quer la saber, maibé buat importante ba ha'u mak ação ida ita foti hodi fó voto de pesar.

Tanba ne'e, ha'u hanoin, correção sira-ne'e halo kedas iha li'ur ne'ebá, ita mai expressa ita-nia sentimento ida-ne'ebé fó valor aas ba ema ida-ne'e ninia participação, e tanba ida-ne'e mak ita dignifica duni ho voto de pesar iha Parlamento.

Ida-ne'e de'it ha'u-nia observação e Bancada mós hakarak atu expressa solidariedade ba família ne'ebé husik, ba organização sira hotu ne'ebé participa ba ukun rasik an.

Obrigado.

Sr.^a **Presidente**: — Muito obrigada, Sr. Deputado.

Realmente, é verdade, ita precisa tempo para prepara texto didi'ak.

Ita-Boot sira lembra, o Sr. Luís Lobato, quando mate, depois veio o outro Sr. Veterano, se eu não estou em erro, Sr. Presidente Aniceto mak lê nia texto, Sr. Vidal Saldanha, se não estou em erro, não pode ser, ita tem que halo neineik com mais solenidade.

Ha'u agradece tebes ita ajuda malu e Mesa, neste aspeto, agradece.

Tuirmai, depois do Sr. Deputado António da Conceição, vem a Deputado Olinda Guterres.

Halo favor.

Sr.^a **Olinda Guterres** (KHUNTO): — Bom dia ba Sr.^a Presidente, Vice na'in-rua, Secretária, colegas Deputados, maluk rona-na'in sira.

Sr.^a Presidente, ha'u sei la halo correção ba voto de pesar ida-ne'e, maibé ha'u só fó-hatene de'it, lalika bá fali nia escola, estudo to'o ne'ebé-ne'ebé. Uluk, iha Sr. Aniceto nia tempo, iha líderes bancadas, ami ko'alia tiha ona katak quando lê ona voto de pesar ba ema ruma ne'ebé envolve an iha funu ida-ne'e, lori husi suco mai, chefe de aldeia no chefe suco tem que assina mak to'o mai ita, maibé, ha'u hanoin, ida-ne'e, Deputado balu, liuliu Sr. David Dias, ema ne'ebé veterano antigo, sai mós ba proponente, ha'u ladún saida... ba ida-ne'e.

Maibé, ha'u hakarak mak ne'e, ema ne'ebé sai ona veterano, lalika lê fali ninia biografia ida oioin. Funu ida-ne'e, Timor ida la hatene escola, la hatene hakerek nia naran mós envolve an iha política Nação ida-ne'e, funu ida-ne'e, la'ós lê tan fali ida-ne'e, orsida engenheiro, orsida doutor, professor, tama hotu iha-ne'e, ha'u hanoin, ladún di'ak.

Ne'ebe, di'ak liu, agora mai ona, ita tem que vota duni ona. Maibé, loron ikus tem que bá hadi'a tiha iha ida-idak ninian. Por exemplo, hanesan ami, Partido KHUNTO, atu halo voto de pesar ruma, ami tem que tuur hamutuk, ko'alia didi'ak, halo loloos lai para mai ne'e ita vota. Ha'u ladún gosta dehan nia uluk *SMP*, *SMA*, professor, doutor, la precisa to'o ida-ne'e ida. Ema ida la escola sira-ne'e luta no mate hotu tiha ona, mais ou menos nia naran temi hotu ba iha-ne'e ka lae? Ha'u considera, tanba ha'u mós la'ós dehan halo barak mas contribui uitoan ba funu ida-ne'e, ne'e mak ha'u ko'alia ne'e. Tem que loloos! Ki'ik boot voto de pesar, ki'ik boot voto de pesar, ne'e ita hatene oinsá? Mas, Sr. David iha laran ha'u fiar.

Obrigada, Sr.^a Presidente.

Sr.^a **Presidente**: — Tuirmai, ikusliu – ba matéria ida-ne'e ha'u taka ona – Sr. Deputado Ikulay.

Sr. **Francisco da Costa «Ikulay»** (CNRT): — Bom dia, Sr.^a Presidente, Deputado sira hotu, Vice-Ministro dos Assuntos Parlamentares.

Antes fó voto ba lutador ida ka luta-na'in ida, ita ne'ebé moris hela merece duni fó honra ida-ne'e ba qualquer lutador. Mas, nu'udar pessoal ida, precisa hatene ninia *biodata* no ninia inclinação, precisa hatene, tanba ha'u ema Baucau, lutador ida-ne'e mai husi município seluk.

Proponente sira bele fó to'ok explicação ida mai sobre frase ida-ne'e: «Em 1984, ingressou na Escola Secundária de Agricultura *SPP/SPMA*, *SPP-SNAKMA* Indonésia-Fomento»? Explica to'ok mai ha'u-ata, tanba ha'u ladún compreende.

Segundo, colega sira, explica to'ok uitoan mai: antes, nia bá Indonésia, escola, leva tempo hira iha-ne'ebá, e depois nia mai fali. Mas, ha'u hanoin, Senhor Deputado sira bele explica, pelo menos, kle'an uitoan antes ita fó voto ba.

Obrigado barak.

Sr.^a **Presidente**: — Ikusliu, Sr.^a Deputada Maria Angélica, mós hanesan proponente.

Halo favor.

Sr.^a **Maria Angélica Rangel da C. dos Reis** (FRETILIN): — Muito obrigada, Sr.^a Presidente.

Ha'u hanoin, iha início, quando ha'u halo intervenção, ha'u ko'alia, kona-ba dados ida-ne'e matebian rasik mak hakerek. Ha'u hanoin, data ida 1982 to'o 1984 ne'e mak karik sala, maibé oan sira la barani atu halo correção. Ita tem que buka dados ne'ebé iha veracidade ne'e mak halo, maibé buat ida dehan voto de pesar, ko'alia kona-ba biografia ne'e tem que ko'alia duni nia estudo, nia mai husi ne'ebé, nia sé nia oan, nia iha-ne'ebé. Foi decreta tiha ona no nia hakoi iha Metinaro, tanba liuhosi processo naruk mak Presidente da República decreta, agora ita bá questiona ema nia estudo, biografia tem que hakerek duni ida-ne'e, nia naran saida, ne'e sé nian oan, nia escola iha-ne'ebé, nia termina nia escola iha-ne'ebé. Ita halo sasán ida tem que tuir regras, ne'e la'ós buat foun ida.

Ne'ebe, Sr. Deputado sira ne'ebé questiona kona-ba ema nia educação, se nia rasik mak hakerek, ita merece atu reconhece nia estudo ne'ebé iha. Mesmo que nia Maubere oan, mas nia contribui ho nia estudo ida-ne'ebé nia iha, ne'e contribui ba libertação ida-ne'e, contribui ba Pátria ida-ne'e, ne'ebe ne'e la sala ida. Claro que tem que hakerek, biografia ne'e tem que hakerek duni nune'e.

Obrigada.

Sr.^a **Presidente**: — Muito obrigada.

Srs. Deputados, hanesan ne'e de'it: correções ohin ne'e, texto ita bele acerta redação de'it, mas dados ne'e, se ida-ne'e mak mai, ida-ne'e mak ita haruka ba publica para ita labele dada fali bainhira iha erros tanba ita la *teliti* didi'ak.

Ho nune'e, ho respeito tomak ba Srs. Deputados, redação ne'ebé ohin corrige, ami toma nota, sei confirma ba Sr. Deputado Aniceto ho proponente sira para ita acerta didi'ak molok ita publica.

E, ita prepara ba votação.

Srs. Deputados, quem vota a favor, contra e abstenção.

Sr. Deputado Mateus não vota?

Deputado sira hala'o votação ordinária.

Obrigada.

Hato'o ona ba votação no hetan aprovação ho voto a favor 60, contra 0 no abstenção 0.

Hodi nune'e, ita-nia fase ba ida-ne'e passa.

Tuirmai, intervenções diversas dos Srs. Deputados.

Ha'u hahú kedas ho Sr. Manuel Henrique Noronha.

Sr. **Manuel Henrique Noronha** (PD): — Obrigado ba oportunidade.

Lou Presidente Parlamento Nacional mak ha'u respeita, Lou no Na'i Vice-Presidente Parlamento Nacional, composição da Mesa, distinto e distinta Deputado sira, mídia, observador hotu mak ha'u respeita, bom dia.

Primeiro, agradece ba visita husi Parlamento ba assunto AIPA nian, ho visita ida-ne'e bele cria amizade entre Timor-Leste ho nação sira seluk hodi fó apoio ba paz, estabilidade no desenvolvimento, liuliu iha Timor-Leste.

Iha-ne'e ha'u atu hato'o informações, intervenção balu relaciona ho preocupação comunidade nian iha terreno.

Excelências, agradece ba funcionário no agente administrativo sira ne'ebé, masque ho salário ki'ik, continua sacrifica sira-nia capacidade profissional ba governante sira hodi bele fó sucesso ba programa governante nian. Masque nune'e, sempre iha funcionário no agente balu ne'ebé sempre mai ho mal vontade no nafatin comunga doutrinação grupismo, familiarismo ho sentimento egoísmo, ne'ebé bele hafo'er vontade di'ak funcionário sira seluk nian.

Excelências, liuhosi Plenária ida-ne'e Bancada PD husu ba Sr. Ministro da Agricultura, Pecuária, Pesca e Florestas atubele tau atenção ba funcionário sira ne'ebé la iha vontade atu apoia desenvolvimento economia iha área rural.

Ato ida-ne'e hatudu husi Sr. Júlio da Costa, tratorista MAP (Ministério da Agricultura e Pescas) Município Lautém, hamutuk ho nia extensionista Sr. Roberto Gama, ho meio organizado lakohi fila população nia rai iha Suco Wairoque, Posto Administrativo Luro, Município Lautém. Hahalok ida-ne'e hatudu momoos iha loron-sexta, 15 de setembro de 2023. Maski autoridade comunitária, husi chefe suco, chefe aldeia no polícia comunitárias fó apoio atubele fila população nia rai ne'ebé atu cultiva iha tempo udan monu rai, maibé pessoal técnico, tratorista ho extensionista ne'e nafatin lakohi fila população nia rai refere. Husu ba Ministro MAP atubele tau atenção no fó-hanoin ba diretor MAP município atu nune'e bele fó atenção ba técnico sira-ne'e.

Segundo, atu hato'o mós ba Vice-Ministro dos Assuntos Parlamentares katak ponte ida iha Lautém mós ameaçada hela, husu favor ida atubele haree ponte ida-ne'e tanba, quando oan boot mai oin, bele fó ameaça ba população iha área refere.

Obrigado, e tempo ha'u entrega filafali.

Sr.^a **Presidente**: — Tuirmai, Sr. Deputado Gabriel Soares.

Sr. **Gabriela Soares** (CNRT): — Obrigado, Presidente.

Bom dia ba Sr.^a Presidente, Vices, Secretária, colega Deputado sira, audiência, mídia no povo doben Timor Lorosa'e.

Presidente, iha assunto rua ha'u hakarak foti iha-ne'e.

Assunto ida primeiro liga ho direito cidadão sira-nian atu utiliza mídia social. Ha'u mós acompanha hela mídia social, iha *Id Facebook* ida, nia lança iha mídia social hatete hanesan ne'e: «Avó feto ida husi Posto Administrativo Laleia, Suco Kairui, mate hamlaha. Nia mate tanba hahán la iha, han de'it haas okir hodi ataca nia estômago e mate liu».

Semana kotuk ha'u iha Laleia, ha'u bá Kairui, Sr.^a Presidente, Laleia agora daudauk iha atividade cruz jovem, hotu-hotu bá halo veneração. Iha semana kotuk la iha ema ida mak mate iha Posto Administrativo Laleia e, muito menos, iha Suco Kairui. Hanesan Laleia no Kairui oan, ami la hatene intenção saida husi cidadão ida-ne'e.

Laleia bele rai maran, maibé ami agora ko'a hela hare, tanto iha Laleia, no mós iha Kairui. Se Senhor ida lança iha *Facebook* usa *Id* ida-ne'e hamlaha karik, hakat ba Laleia, bá ko'a lisuk hare, bá Kairui. Ami bele rai maran, bele kasian, maibé ato ida hanesan ne'e ami mós iha sentimento humano. Bele usa *Id Facebook*, maibé atu hatún informação hanesan ne'e tem que confirma! Ha'u bele hatete katak *Id* ida-ne'e difama.

Depois liga fali ba dehan «iha Xanana nia rain», iha ligação saida? Ou tanba Xanana Primeiro-Ministro? Sim, Xanana nia rain mak ne'ebá, maibé comunidade ida-idak hala'o nia moris. Tanba ne'e husu ba Governo, Sr. Vice-Ministro iha-ne'e, favor orienta PSIC (Polícia Científica e de Investigação Criminal) buka tuir *Id* ida-ne'e.

Assunto segundo, ha'u iha tan assunto ida-ne'e de'it, Sr.^a Presidente, iha Tasi Mane, comunidade suco rua sempre halai sai husi uma tanba inundação. Bee iha mota Dilór, ne'e bee boot, tama ba iha suco ida temi dehan Suco Sikone-Diloli e Suco Aubeon, satan la hetan. E então, iha-ne'e, iha Governo anterior, ami mós sempre questiona iha-ne'e, satán ami oposição, ami questiona, «Ai, Governo tem que tau atenção, tau matan!», afinal das contas, iha fulan-novembro 2022, iha tiha ona ordem de trabalho ida ba companhia ida naran Olgape. Iha fulan-novembro 2022, hetan ordem de trabalho atu bá halo serbisu, halo barragem, normaliza para bee labele sa'e suco rua ne'e, iha tiha ona. Maibé,

companhia ne'e la bá halo, companhia ne'e kala tuur tiha gosta atu nonton bee sa'e comunidade suco rua ne'e, tekiteki iha semana kotuk, ha'u foin fila husi Tasi Mane mai, companhia foin lori fali ninia material ba hatún iha Suco Sikone-Diloli, nia material ba iha mercado iha mota-ibun ponte Dilor e nia cimento mai rai iha chefe suco nia uma, nia tempo intercala ne'e quase 10 meses. Ha'u la hatene companhia, e, nia obra serbisu ne'e ami mós husu informação, foin atinge 5%. Husu ba Governo: será que ita admite companhia sira ho ato hanesan ne'e?

Afinal, ami hakilar Governo anterior, ami hakilar maibé fó tiha ona. Maibé, companhia ne'e subar hela, foin mak aparece iha semana kotuk liubá ne'e, Sr.^a Presidente. Ato hanesan ne'e ita labele admite! Husu ba membro Governo, favor labele admite ato hanesan ne'e! Fó tiha ona, povo sofre, *nonton* hela, agora tekiteki foin mosu bá semana kotuk ne'e. Ha'u iha-ne'ebá, Sr.^a Presidente.

Obrigado.

Sr.^a **Presidente**: — Husu ba Comissão E, tanba relatório semana kotuk lê mas la temi ne'e ida. Bá haree ka lae?

Srs. Deputados, molok ha'u bá oin, iha pedido ponto de ordem.

Sr.^a Deputada Cedelízia dos Santos.

Sr.^a **Cedelízia Faria dos Santos** (CNRT): — Muito obrigada, Sr.^a Presidente.

Ha'u-nia respeito no bom dia ba Ita-Boot, ba composição da Mesa, Vice-Ministro, colegas distintos Deputados, audiência, maluk mídia sira hotu.

Presidente, ha'u hakarak confirma de'it, lista ida intervenção ne'e sei continua husi semana kotuk ne'ebé Presidente menciona ka foun fali?

Ida-ne'e de'it, ha'u hakarak confirma, ba lista de intervenção.

Obrigada Presidente.

Sr.^a **Presidente**: — Ne'e lista foun, tanba ha'u hatudu Regimento iha ferramenta barak, bele halo por escrito, e agora, Sr. Vice-Ministro iha-ne'e ne'ebe, ha'u hanoin, por escrito mós bele to'o iha-ne'ebá. Ne'ebe ida-ne'e foun, foin regista ohin.

Hodi nune'e ha'u bá oin.

Sr.^a Deputada Maria Teresa Gusmão.

Sr.^a **Maria Teresa da Silva Gusmão** (PD): — Obrigada, Sr.^a Presidente.

Bom dia ba Ita-Boot, composição da Mesa, colegas Deputados e Deputadas, maluk rona-na'in sira.

Ohin ha'u hakarak foti assunto kona-ba polícia nia intervenção ba maluk sira ne'ebé fa'an ikan, modo, sasán sira iha estrada ninin ka iha *trottoar*.

Iha dia 23, sábado liubá, iha Seara oin, iha Pantai Kelapa, ha'u haree rasik ho matan, kaer ho liman, rona ho tilun rasik, polícia ho carreta rua, rapidamente, tekiteki mosu mai foti ikan sira iha balde laran soe tama hotu iha carreta laran, haksoit liu. E, maluk sira be fa'an ikan sente perde sentido tanba la preparado, polícia lailais liu, sira la consegue lori sira-nia ikan halai atu buka fatin ne'ebé seguro.

Situação ida-ne'e la'ós foin acontece, beibeik, tinan barak e loroloron polícia sira sempre sama dodok ema nia modo, tuda sai tiha, kahur sasán para labele aproveita buat ida. Em princípio, ha'u pessoal aceita polícia ninia serbisu atu tau ordem, ba vendedor sira ne'ebé fa'an sasán iha mercado, iha dalan-ninin iha Capital cidade, iha *trotuar* leten, em princípio, ita la aceita. Governo mós tau ona mercado iha Taibesi, iha Manleu, iha Comoro, tau ona, atubele foti sasán, sosa sasán, produto tradicional iha-ne'ebá. Maibé, dala barak polícia halo atuação ida-ne'e, estraga sasán, liu de'it minuto ema mai fa'an fali sasán. Se situação ida-ne'e acontece filafila, ita husu tanbasá. Polícia mós hala'o hanesan baibain e vendedor sira mós sente mós *kebal hukum*, ida-ne'e situação ida ne'ebé ita haree.

Maibé dala barak mós polícia hala' o ninia serbisu que ladún justo, sira haree ba ema kiak de'it, ema iha estrada-ninin de'it, que fácil atu halo, maibé dala barak ema hatama sasán ilegal, sira la halo *qebrakan-gebrakan*, atua situação sira hanesan ne'e.

Agora, ha'u-nia questão mak ne'e: objetivo husi polícia ne'e di'ak tebetebes maibé questionável mak *cara* ou meios ne'ebé sira usa ne'e, *bahasa* karik dehan *sadis* demais ou la iha fuan atu halo ida-ne'e. Imagina to'ok, polícia, se halo ida-ne'e, imi hanoin to'ok, sira ho *modal* ki'ikoan tebetebes la consegue bá tau iha SERVE e fa'an iha fatin ne'ebé destinado iha Ministério da Educação nia kotuk, iha Vila Verde, fatin ikan, atu selu taxa, sira la bele. Tanba sira ho *modal* ne'ebé ki'ikoan tebetebes, se ita bá fakar sira-nia sasán, soe sira-nia sasán hanesan ne'e, oinsá? *Modal* mós lakon e sira-nia lucro mós lakon.

Wainhira ha'u husu: «tanbasá imi fa'an sasán, polícia mai, dehan, “labele!”, Maibé imi fa'an nafatin?» Sira dehan: «Ami precisa buka fatin ne'ebé estratégico para ema bele hola ami-nia sasán, nune'e ami bele hodi moris nafatin. E lora ida de'it ami-nia fuan ne'e harohan beibeik katak ema bele mai sosa lora ida-ne'e hotu, tanba ami la iha gelador, congelador ami la iha, geleira, para conserva ami-nia produto sira iha 24 horas nia laran». Tanba ne'e, ha'u sugere ba Vice-Ministro atu hato'o ba Presidente Autoridade Município no mós ministério relevante atu harii mercado tradicional ida iha bairro-bairro para facilita compradores ne'ebé la'o ain, ou la'o lailais atu sosa produto local, inclui na'an no ikan sira, iha fatin ne'ebé besik, tanba sira la bele usa microlete, la'o bá la'o mai dook karik, facilita iha bairro ida iha netik mercado tradicional.

Rua, se vendedor sente katak fatin ne'ebé sira usa ba seguro, estratégico maibé fatin comum iha dalan, então Governo ho ministério relevante cria edifício ida ne'ebé digno no higiénico para sira bele fa'an sasán iha-ne'ebá, Governo bele prepara. Se sira bele inclui taxa ki'ikoan oan ida ba Estado, ba Governo, ita considera atu cria fatin ne'ebé estratégico atu sira fa'an sira-nia sasán ho seguro.

Tolu, ita mós bele bolu, rona vendedor sira, atu husu sira-nia hanoin ho sira-nia preocupação, tanbasá mak Polícia tau ona ordem, maibé sira la rona no continua nafatin, violência la'o nafatin mas que consequência sasán lakon.

Ha'u husu sira: «loron ida, se polícia estraga sasán, imi lakon hira?».

Sira dehan: «40 USD to'o 80 USD».

Sira lakon saugati de'it tanba sasán estrago hotu.

Haat, Governo bele ajuda subsídio uitoan ba sira atu nune'e bele hala'o sira-nia negócio didi'ak.

Lima, ba polícia sira, ...

Presidente loke microfone hodi fó sinal ba Deputada atu termina ninia intervenção.

... hela uitoan tan de'it – polícia sira, ha'u husu ba ita: Sasán sira ne'ebé imi foti hadau ne'e, Ita-Boot sira soe de'it *ba tempat sampah* ka, han ka, fó ba *Panti Asuhan*?

Se fó ba *Panti Asuhan*, ha'u sente triste. Ita hasai vulnerável ida nia bikan, hamamuk nia vida hodi fó fali ba vulnerável ida ninia hakonu ninia bikan, oinsá ita-nia sentimento? Tanba ne'e mak husu...

Sr.^a **Presidente**: — Obrigada, Sr.^a Deputada, tempo liu ona.

Sr.^a **Maria Teresa da Silva Gusmão** (PD): — ...atu lei ho ordem bele tau ho di'ak.

Obrigada barak.

Sr.^a **Presidente**: — Di'ak.

Ha'u husu Srs. Deputados, ha'u iha 22 Deputados atu halo intervenção, cinco minutos é muito. Ne'ebe husu para ita respeita tempo.

Tuirmai, Sr. Deputado António Verdial.

Sr. **António Verdial de Sousa** (KHUNTO): — Muito obrigado, Sr.^a Presidente.

Bom dia a todos, Excelências distintos Deputadas e Deputados.

Nu'udar ema hotu hatene katak ita mak representa povo nia aspiração, mehi no esperança iha Uma Democracia, ho nune'e, antes atu halo representação ida ne'ebé saudável, uluknanain, tem que haree ba iha ita-nian uma laran.

Tuirmai atan-ha'u haklaken, iha loron terça, 19 de setembro de 2023, às mais ou menos 20h15 hora de Timor-Leste, iha Metinaro, fatin treinamento iha F-FDTL, mosu acontecimento ida ne'ebé sai *viral* iha mídia social. Tuir informações ne'ebé oficiais técnico Comissão G Parlamento Nacional nune'e mós operador viatura operacional Parlamento Nacional hateten, momento ne'ebá *oknum* balu husi

força F-FDTL hasai liafuan ne'ebé, tuir loloos, labele ko'alia hanesan ne'e tanba iha Nação ne'e ita hotu moris iha lei nia okos. Karik sira sala, ko'alia de'it tuir lei no ética ka regras militar nian wainhira iha ema civil nia leet. Tanba funcionário sira hala'o viagem em missão de trabalho, tuir loloos viatura pára, bolu hodi fó atenção, no labele hasai liafuan dehan, «hatún motorista, oho tiha», «baku nia!». Iha mós *oknum* balu hasai liafuan dehan katak katak, «choque karik tiru mate sira hotu».

Iha loron acontecimento ne'e, tuir informação ne'ebé funcionário sira hato'o direta mai atan-ha'u hanesan Deputado, katak iha *oknum* F-FDTL balu hasai liafuan dehan katak «hatún motorista, oho tiha ka baku tiha, oho tiha sira, tiro mate sira. Motorista lanu ne'e oho tiha de'it». Maibé, tuir ha'u hatene katak operador la lanu ida tanba wainhira sira sai husi ne'e, ha'u sei acompanha no fó boa viagem ba sira husi recinto parlamentar ida-ne'e. Nu'udar Deputado, liafuan hirak ne'e la merece *oknum* F-FDTL hasai, tanba sira mak lutu Nação, nunca mais hasai liafuan ne'e ba ita-nia povo rasik! Liafuan ne'e sira hasai hanesan intimidação no, psicologicamente, afeta kedas ba sira-nia hanoin hodi sira la consegue atu expressa tan liafuan balu, hodi nonook de'it.

Tuir informação, hanoin resolvido tiha ona. Wainhira comandante ida husik sira continua viagem, membro balu husu sira hasai foto chapa matrícula, cartão identidade pessoal, ho razão katak atu halo relatório. Depois, oficiais Parlamento Nacional continua halo viagem, liu tiha minuto balu, fotografia hirak ne'e mosu fali iha mídia social, halo funcionário sira la confortável hala'o viagem. Hanesan Deputado, lamenta tebes ho atitude sira hanesan ne'e tanba, wainhira acontecimento ne'e resolve tiha ona, tanba saida mak ba lekar fali iha mídia social. Funcionário sira hala'o missão de serviço no operador la iha intenção atu choque mate ema.

Distintos Deputadas no Deputados, ita hotu iha Uma Democracia ida-ne'e, balu kleur no balu foin mosu mai, iha Uma-Fukun ida-ne'e ita sempre hala'o ita-nian viagem bá halo fiscalização no ita conhece operador operacional hirak ne'e. Sira iha responsabilidade wainhira sira opera viatura hodi tula passageiros no la hanoin aat atu hamate ema ida iha dalan. Destino no acidente ita hotu la hatene no la espera, buat hotu plano Maromak nian. Maibé, nu'udar humanista, wainhira ita rona notícia ida-ne'e ema ida tau iha mídia social, julga kedas operador ne'e, hanesan Deputado, lamenta no la aceita ho atitude ne'ebé espalha notícia ne'e iha mídia *Facebook*. Questionável tebes. Se comandante ida marca presença hodi resolve tiha situação ne'e, tanba saida mak *oknum* balu sei bá lekar fali foto hirak-ne'e iha mídia *Facebook*?

Tanba ne'e mak ha'u husu atu ita labele inventa sasán. Hanesan Deputado, fó-hanoin ba superior F-FDTL sira hanesan tuirmai ne'e:

Ida, hala'o atividades treino tem que fó aviso ba público. Tanba besik estrada pública, tem que fó sai katak iha horas hanesan ne'e iha treinamento no labele haluha tau sinal atu nune'e ema hotu bele usa estrada pública ida-ne'e no atende situação real, e, ita bele condiciona ho buat ne'ebé ita bele halo.

Segundo, husu ba superior instituição treinamento F-FDTL iha Metinaro, monitoriza no nafatin controla membro sira, nafatin tuir formação iha questão ética atu nune'e labele espalha fali instituição seluk ninia património iha mídia social.

Tolu, ha'u fiar, operador Parlamento Nacional la iha intenção atu lori carreta bá choque. Operador ne'e mós iha responsabilidade tanba nia mós iha responsabilidade ba nia feen, oan no família.

Tanba tempo, to'o ba ne'e de'it intervenção política ohin loron nian.

Obrigado barak, Sr.^a Presidente.

Sr.^a **Presidente**: — Sr. distinto Deputado, husik Secretário-Geral investiga situação ne'e! Ha'u la hatene husi parte ne'ebé-ne'ebé, labele julga ida ne'ebá mak sala, ida-ne'e mak sala, *please*! Ita fó tempo ba Secretário-Geral sei hato'o iha Líderes das Bancadas no Conselho de Administração, tanbasá mak acontece hanesan ne'e.

Ha'u rona, carreta hotu pára, ita-nian semo. Tanbasá mak tem que halai kalan? Urgente saida? Ha'u la defende sé-sé, mas ha'u labele pronuncia se eu não tenho a certeza – taka lai Ita-Boot nia microfone, Sr. Deputado – ne'ebe, fó tempo ba Sr. Secretário-Geral. Neste momento ita-nia motorista ne'e suspende, labele kaer lai carreta até processo ne'e clarifica. Ha'u hanoin, ida-ne'e de'it mak ha'u comunica. Ha'u la julga sé-sé, o Presidente da Comissão deve saber melhor do que ha'u, ne'ebe, dala ida tan, fó tempo ami hodi investiga, hodi hato'o ba Ita-Boot sira para ita labele julga mós hanesan ema ida tau iha público ne'e. Eu não sei qual é a razão, ne'ebe ha'u lakohi foti tempo Deputado sira-nian.

Tuirmai, Sr.^a Deputada Mariquita Soares.

Sr.^a **Mariquita Soares** (FRETILIN): — S. Ex.^a Presidente do Parlamento Nacional ho componente Mesa no mós distinto Deputado sira, Vice-Ministro dos Assuntos Parlamentares, povo doben Timor-Leste, bom dia ba ita hotu.

Iha semana kotuk ha'u halo visita trabalho ida bá município, ha'u simu preocupação no lamentação husi pessoal saúde no comunidade balu katak destacamento médico sira la iha equilíbrio no maioria médico sira-ne'e serviço iha cidade, no iha área rural menos liu. Daudaun ne'e iha posto saúde sira iha área rural, Posto Saúde Lautém la iha doutor, nune'e mós menos pessoal saúde sira. Situação ida-ne'e halo paciente sira hetan dificuldades hodi halo tratamento no consulta.

Dala barak enfermeiro no parteira sira mak halo atendimento iha posto saúde sira. Enfermeiro no enfermeira no parteira sira-nia vencimento ki'ik, la iha meios transporte, maibé halo serviço dobro. Maski sira barak mak sira-nia salário ne'e ki'ik tebes, maibé sira continua halo serviço ka atendimento ba paciente sira durante horas serviço no mós hafain horas serviço. Dala barak, iha caso emergência, família sira tem que bá buka tuir enfermeiro no parteira sira iha uma hodi husu halo atendimento.

Iha semana kotuk iha paciente inan isin-rua ne'ebé durante ne'e ba halo tratamento iha Hospital Nacional Guido Valadares, ne'ebé doutor *test* no deteta katak bebé iha ameaça tanba husar-talin bobar, maibé doutor la bele halo ação ruma antes, ho nune'e bele salva bebê no inan isin-rua, bebé ne'e mate iha inan ne'e nia isin. Situação ida-ne'e la'ós foin acontece, ha'u hanoin, acontece beibeik, maibé família balu la ko'alia sai. Tanba ne'e, recomenda ba Ministro da Saúde atu tau atenção ba situação ne'e, liuliu oinsá mak bele fó conselho ba inan isin-rua sira atu previne bebê husar bobar, nune'e bele salva nia oan, tanba semana kotuk ne'e ha'u iha Guido Valadares iha bebê ida ne'ebé mate iha inan ne'e nia isin, doutor sira la bele halo ação ne'ebé lailais para bele salva nia iha nia inan nia isin.

Segundo, ha'u atu hatete liu mós kona-ba educação nian, Programa Merenda Escolar. Ha'u nota katak iha município sira hanesan ami Comissão G visita, Liquiçá, Manatuto no Lautém, la iha condição ida di'ak ba dapur no han fatin merenda escolar, dapur hodi prepara merenda escolar la saudável no la iha fatin han ne'ebé facilita sira hodi tuur hakmatek hodi han.

Ha'u aprecia tanba iha fatin balu hahán merenda escolar ne'e di'ak tebes baseia ba menu, hanesan escola paralela Daudere, maibé iha balu ne'ebé la tuir menu. Tanba ne'e, husu ba Ministro atu tau atenção ba assunto ne'e, liuliu iha parte educação municipal sira, hodi monitoriza escola sira hodi assegura implementação programa sira-ne'e.

Ikusliu, atu hateten katak escola sira la iha guarda ka segurança. Iha escola sira ne'ebé ami visita, haree katak la iha muro escola nune'e mós la iha guarda ka segurança escola nian, halo sasán ka material sira iha escola lakon.

Exemplo, iha escola balu ema desconhecido sobu janela escola nian no lampu sira iha escola. Situação ne'e lamentável tebetebes, tanba ne'e ba oin husu ba ministério tutela atu tau atenção ba situação sira-ne'e.

Ha'u-nia intervenção ba loron ida ohin mak ne'e de'it, hamutuk ita bele, e lori naroman ba povo. Obrigado.

Sr.^a **Presidente**: — Tuirmai, Sr.^a Deputada Maria Angelina Lopes.

Sr.^a **Maria Angelina Lopes Sarmiento** (PLP): — Obrigada, Sr.^a Presidente, muito bom dia.

Bom dia mós ba composição da Mesa, distintas e distintos Deputados no povo doben Timor-Leste, bom dia mós ba Sr. Vice-Ministro dos Assuntos Parlamentares.

Ih ha'u-nia intervenção ida-ne'e husu Ita-Boot atu encaminha ba ministério relevante, liuliu ba Ministério das Finanças no Autoridade Aduaneira tanba ita-nia Lei Orçamento Geral do Estado, Primeira Alteração à Lei do OGE 2022 nian publica ona iha fim de agosto, mas, pelos vistos iha mercado ita nota katak preço foos no preço tabaco ne'ebé foin daudaun ita halo alteração ba Orçamento Retificativo, hatún ona, mas preço sei mantém iha mercado.

Ha'u foti de'it exemplo, ba cigarro ne'ebé uluk ita hasa'e taxa 50 USD por quilograma, cigarro ida hanesan *Marlboro* mean ho seluk tan ne'e nia preço 3,25 USD maço ida, maibé depois de ita hatún ba 50 USD por quilograma, ne'e nia preço nafatin ho mantém ida 100 USD por quilograma nian. Ida uluk 100 USD por quilograma ne'e mak hasa'e tiha ba 3,50 USD, agora ita hatún ba 50 USD por quilograma, cigarro nia folin iha mercado ne'e sei nafatin 3,50 USD maço ida, ne'e significa katak to'o agora Governo seidauk halo intervenção ba preço cigarro iha mercado.

Iha sorin seluk, agência ka companhia sira ne'ebé hetan licença atu distribui cigarro, sira-nia *stock* ida 100 USD por quilograma ne'e iha sira-nia *gudang* sei barak e sira hakarak atu hamoos tiha *stock* ne'e liuhusi, sira pronto atu selu taxa, haruka fali cigarro ba Indonésia ka rai ne'ebé sira importa tama mai para nune'e sira bele lori fali cigarro *stock* foun, tanba *stock* tuan ida be ho 100 USD por quilograma ne'e nia prazo mós atu hotu ona. Então, quando sira hato'o ba Ministério das Finanças, Ministério das Finanças hatudu ba Autoridade Aduaneira, sira bá Autoridade Aduaneira, Autoridade Aduaneira dehan, «Finanças mak seidauk loke sistema ida-ne'e». Enquanto iha sorin seluk, cigarro ilegal continua hetan benefício di'ak tanba ho sistema ida-ne'ebé dadain malu, cigarro legal sira hakarak atu, pronto, selu taxa, e atu hatama *stock* foun tuir taxa ne'ebé ita hatún, sira la bele halo ida-ne'e tanba de'it aduaneira ho finanças sei dada malu atu haree sistema para bele fó biban ba empresa sira ka agência sira atu halo sira-nia serbisu hodi halo distribuição iha mercado no mós selu taxa tuir sira-nia obrigação. Então ida-ne'e prejudica companhia ho empresa sira atu selu taxa, halo tuir sira-nia obrigação, prejudica mós ita-nia Estado atu hetan receitas ka hasa'e receitas domésticas ne'ebé, tuir previsão XI Governo nian, nu'udar prioridade.

Então, ami husu para Sr. Vice-Ministro encaminha ba ministério relevante hodi nune'e labele prejudica agência sira no mós labele prejudica Estado atu hetan receitas, e mós hapara no controla sistema distribuição cigarro ilegal ne'ebé, primeiro, la contribui tiha ona ba taxa, segundo, nia la preenche requisito decreto-lei sobre alcatrão ho nicotina, ne'ebé bele previne moras ba consumo cigarro sira.

Ikusliu, loron ida ohin ha'u hakarak hato'o parabéns ba loron nacional ba lian gestual tanba horisehik ita celebra loron ida-ne'e, liuliu ba ema deficiente tilun no língua. Sira mós, hanesan cidadão timoroan, bele iha direito tomak atu hetan acesso ba hotu-hotu, incluindo acesso ba educação, tanba Timor-Leste aprova ona Convenção Internacional ba Ema ho Deficiência, e, ita hein katak Governo sei fó atenção boot ba ema ho deficiência, liuliu tilun ho língua.

E agradece mós tanba iha mídia social sira, liuliu televisão, sira mós usa ona lian gestual iha notícias atu nune'e ema ho deficiência tilun no matan bele acompanha notícia sira iha televisão.

Muito obrigada, Sr.^a Presidente.

Sr.^a **Presidente:** — Muito obrigada, Sr.^a Deputada.

Tuir, Deputada Olinda Guterres.

Sr.^a **Olinda Guterres** (KHUNTO): — Retira, Sr.^a Presidente.

Sr.^a **Presidente**: — Muito obrigada.

Sr. Deputado Antoninho Doutel Sarmento.

Sr. **Antoninho Doutel Sarmento** (FRETILIN): — Obrigado.

Ha'u-nia respeito ba S. Ex.^a Sr.^a Presidente do Parlamento Nacional, Mesa da Presidência do Parlamento Nacional, maluk Deputado sira, técnicos, mídia, povo Maubere e Buibere.

Liuhusi sessão plenária ida-ne'e ha'u hakarak hato'o questão balu iha-ne'e relativamente ho preocupação husi ita-nia comunidade sira iha Manufahi.

Comunidade sira iha Manufahi preocupa no husu ba Governo atu aumenta número guarda florestal ba Manufahi tanba agora daudaun número guarda florestal ne'ebé destaca iha município ne'e hamutuk ema na'in-19 de'it. Portanto, número ida-ne'e la bele cobre suco 29 iha Manufahi, tanba ne'e husu ba Governo atu aumenta número guarda florestal, pelo menos cada suco ida hetan guarda florestal ida hodi controla no halo prevenção ba estragos husi ema desconhecido sira ne'ebé tesi estraga ai-horis sira ne'ebé ho valor económico, caça no oho animal fuik sira, no, agora tempo bailoro tem que iha controlo ida máximo atu ema labele sunu rai arbiru.

Além de ida-ne'e, guarda florestal sira mós enfrenta hela desafios ho facilidades, hanesan la iha rádio comunicação no transportes. Agora daudauk sira utiliza de'it sira-nia transporte privado hanesan motorizada hodi halo serbisu, tanba ne'e husu Governo atu, liuhosi ministério relevante, tau iha consideração ba questão importante sira-ne'e.

Iha Município Manufahi mós negociante sira iha mercado posto administrativo sira husu ba Governo atu harii *toilet* público iha cada posto no mercado sira, hodi bele fó acesso ba negociante sira ne'ebé loroloron buka moris iha mercado. Nune'e mós Governo atu harii filafali terminal ba transporte público sira iha cada município sira hotu ho condição ne'ebé integrado.

Tuir mós comunidade posto Fatuberliu, Município Manufahi, husu ba Governo atu, liuhosi Ministério Saúde, bele aumenta tan carreta ambulância ba Posto Administrativo Fatuberliu hodi bele atende ita-nia comunidade sira ne'ebé precisa.

Caso foin lailais, paciente inan ida mate, lakon vida, iha Fatuberliu tanba de'it atraso husi ambulância, tanba ne'e comunidade Fatuberliu husu Governo atu fó consideração máxima ba assunto ida-ne'e.

Ho preocupação sira-ne'e, se bele, Vice-Ministro dos Assuntos Parlamentares considera assunto sira-ne'e hodi bele mós considera iha Orçamento 2024 nian.

Liuhosi Plenária ida-ne'e mós hakarak husu ba autoridade competente atu continua halo investigação ba *oknum* balu ne'ebé, iha loron 9 fulan-setembro, lori arma ka kilat hodi oho karau comunidade nian ne'ebé hakiak, inclui balada fuik hanesan rusa, iha Aldeia Selihasan, Suco Betano, Município Manufahi.

No husu ba instituição F-FDTL no PNTL tem que halo investigação ba *oknum* membro sira-ne'e. Militar ne'e iha regras ne'ebé rigoroso tebes, bainhira usa armas, bá patrulha, fila mai tem que halo relatório kona-ba bala musan ne'ebé tiro-sai. Maibé, usa bala musan hodi tiro fali comunidade nia animal hakiak e animal fuik sira, ami haree katak ida-ne'e usa sala.

Ikusliu, haree ba problema estragos ba ita-nia ambiente no oho animal ka balada sira husi ema sira ne'ebé la iha consciência moral, ami husu Governo atu implementa Decreto-Lei n.º 5/2016, lei kona-ba sistema nacional de área protegida, ne'ebé ko'alia mós kona-ba ema ne'ebé caça animal iha ai-laran. Karik identifica, sei hetan, sanção coima husi 500 USD to'o 5000 USD no pena prisão tinan tolu.

Além de ne'e, Código Penal artigo 216.º kona-ba crime hasoru ai-horis no balada fuik sira, no iha artigo 215.º ko'alia kona-ba crime hasoru ambiente, husu ba Governo atu implementa lei hirak-ne'e. Ita-nia problema mak lei sira-ne'e iha hela, maibé ita la implementa, então ema continua estraga ita-nia ambiente no oho ita-nia balada fuik sira hodi sira-nia hakarak.

Obrigado, Sr.^a Presidente.

Sr.^a **Presidente**: — Tuirmai, Sr. Deputado António Calau.

Sr. **António Moniz Calau** (FRETILIN): — Obrigado ba oportunidade.

Respeito ba Sr.^a Presidente, composição da Mesa, Excelência Vice-Ministro dos Assuntos Parlamentares, distinto colega Deputado sira hotu, bom dia.

Ha'u coloca preocupação lima:

Primeiro, kona-ba atendimento bilhete identidade ba ita-nia katuas ho ferik sira. Informações mai husi quase 13 municípios, inclui RAEOA, katak ita-nia beneficiário sira, katuas ho ferik sira, ne'ebé horas ne'e daudauk trata hela bilhete de identidade, sira tem que la'o dook, husi suco mai trata documento sira iha município. Sugestão ida ba Governo atu cria balcão único hodi halo atendimento ba assunto refere iha posto administrativo sira hotu, atu nune'e labele halo fadigado ita-nia inan aman sira atu la'o ho distância ne'ebé dook hodi trata sira-nia documento sira.

Parabéns ba Ministério da Administração Estatal tanba bele cria ona atendimento ba cartão eleitoral iha posto administrativo sira hotu iha território laran tomak.

Segundo, condena atos membro PNTL ne'ebé gosta see kilat ba ita-nia cidadão sira. Tanba saida? La iha iha ona solução seluk? E tem que fó kilat musan ba ita cidadão sira? Tempo agora la'ós tempo

ida-ne'e. Husu ba Comissão B atu trata assunto ne'e ho rigor, e loke investigação ida profunda e fó todan ba ita-nia membro PNTL ne'ebé halo ação sira-ne'e hanesan ne'e.

Terceiro, depois de halo visita fiscalização bá município haat, inclui RAEOA, ne'ebé Comissão A halo, reclamações barak husi ita-nia funcionário público sira, liuliu sira ne'ebé ho grau G, F ho E, katak sira-nia salário ne'ebé fulan-fulan sira simu la bele sustenta sira-nia moris, nune'e husu ba IX Governo Constitucional, ne'ebé lidera husi S. Ex.^a Primeiro-Ministro Kay Rala Xanana Gusmão, atu fó atenção ba assunto ida-ne'e.

Tuirfali, iha Uma-Fukun ida-ne'e ita louva Ministério da Administração Estatal, liuhusi Secretário de Estado da Toponímia ho Município Díli ne'ebé ordena no organiza ita-nia cidade Díli. Parabéns! Ita aceita sem reserva, maibé atuação sira-ne'e atua ho digno, atua ho humano, tanba ita agradece ba ita-nia inan-aman sira ne'ebé fa'an sasán hodi atende sira-nia moris loroloron.

Ikusliu, husu ba S. Ex.^a Vice-Ministro dos Assuntos Parlamentares atu explica to'ok uitoan, iha mídia ne'e ami lê hela katak intervenção foos ba empresário sira, maibé la hatún taxa. Karik bele, husu explicação husi Sua Excelência.

Obrigado, Sr.^a Presidente.

Sr.^a **Presidente**: — Tuirmai, Sr.^a Deputada Carmina Carlota.

Sr.^a **Carmina Carlota** (CNRT): — Bom dia, Presidente Parlamento Nacional ho composição da Mesa, distinta Deputada no distinto Deputado sira hotu, Excelência Sr. Vice-Ministro dos Assuntos Parlamentares, mídia, participante hotu no povo doben Timor-Leste mak ha'u hadomi e respeita.

Primeiro, ha'u mós atu fó apreciação ba relatório *AIPA* nian ne'ebé furak tebes. Parabéns ba Presidente no equipa *AIPA* tomak!

Presidente, ha'u iha assunto rua de'it.

Assunto primeiro mak, iha quarta-feira 13 de setembro, ha'u simu telefone ida husi Suai, iha equipa conjunta ne'ebé composto husi Administrador Município Covalima, imigração Covalima, Comandante PNTL Covalima ho CCI Covalima, halo passa revista ba carreta haat ne'ebé tama liuhusi fronteira Salele.

Resultado husi inspeção ne'e, carreta rua equipa conjunta deteta sasán ilegal no contrabando ambiente nian, hanesan plástico, bebidas no seluk tan. Entretanto, carreta rua seluk livre tanba la iha evidência. Sasán hirak-ne'e entrega ona ba polícia hodi halo investigação kle'an. Ha'u-nia preocupação mak, oinsá carreta rua ne'e bele lori sasán ilegal hirak-ne'e liu tama to'o Suai Vila? Será que ita-nia alfândega sira la halo passa revista ba veículo ne'e? Ou ita-nia alfândega la iha? Ha'u hanoin, precisa investigação ida que kle'an ba caso ne'e, atu nune'e labele hamosu injustiça ba povo mukt sira ne'ebé durante ne'e sosa minerai ilegal e depois captura husi alfândega. Lei tem que

implementa ho justo ba ema hotu, inclui ba funcionário alfândega ne'ebé durante ne'e comete irregularidade hodi fó livre carreta ne'ebé tula sasán ilegal sira-ne'e.

Segundo, ha'u atu ko'alia uitoan kona-ba *transportasi publik*. Iha preocupação público nian iha Díli laran tanba movimento *transportasi* *atau* carreta *penumpang* precisa tebes Ministério *transportasi* ou comunicação atu construi fatin ne'ebé di'ak ba ita-nia povo, hodi nune'e bele sa'e ou pára iha fatin refere.

Ida mós, kona-ba fatin iha Tasi-Tolu, iha tasi-ibun ne'ebá carreta pára barak loos e fa'an carreta iha-ne'ebá. Se bele karik, antes sira halo uma ou halo fatin ruma iha-ne'ebá, ita-nia ministério competente bele bá haree kedas hodi hapara, selae fatin ne'ebá ema fa'an carreta nakonu hanesan loos halo tiha loja boot ida iha-ne'ebá.

Mak ne'e de'it, Presidente.

Obrigada.

Sr.^a **Presidente**: — Tuirmai, Sr.^a Deputada Helena Martins.

Sr.^a **Helena Martins** (FRETILIN): — Obrigada ba oportunidade.

Bom dia ba Presidente, ba Vice sira, ba composição da Mesa, ba Sr. Vice-Ministro dos Assuntos Parlamentares, colegas Deputados no povo rona-na'in Buibere no Maubere.

Primeiro, ha'u nafatin tau questão kona-ba devolução de restos mortais desaparecidos. To'o agora ita seidauk iha devolução ruma, tanba ne'e mak ami exige nafatin, enquanto ami-nia presença iha-ne'e ami sei exige. Ita-nia Parlamento mós sai, Presidente da República mós bá, Governo mós sai ho equipa boboot, maibé keta halo iha ona informação ruma kona-ba assunto ida-ne'e, ami hakarak rona.

Tuirmai, ha'u hakarak atu ko'alia kona-ba êxodo ka ita-nia jovem sira-ne'ebé sai bá serbisu iha rai-li'ur. Iha dados ne'ebé ami hetan, husi tinan 2012 to'o 2022, total ne'ebé sai bá Austrália no Coreia hamutuk 4660, la inclui sira-ne'ebé bá Europa.

Ema ne'ebé tama fali, estrangeiro sira-ne'ebé mai fali buka serbisu iha ita-nia Rain ho total 7000. Será que política ida-ne'e mak ita hakarak continua nafatin iha Governação ida-ne'e ka oinsá? Tanba ita hotu-hotu hakarak atu cria campo de trabalho, oinsá ita kaer ita-nia jovem sira-ne'e serbisu iha nia Rain rasik, labele mak husik sira bá, depois husik hela de'it ferik katuas sira mak hela iha ita-nia Rain. Ida-ne'e preocupação Estado nian, oinsá mak ita bele resolve.

Tuirmai, ba iha folin necessidade básica, liuliu foos, sa'e maka'as. Segunda-feira e terça-feira ami iha-ne'e foti beibeik, ohin mós ha'u-nia camarada hatete tiha ona, katak Governo atu fó subsídio ba importador sira, maibé la'ós atu hatún folin foos. Então di'ak liu lalika fó subsídio ba sira, tanba sira mak halo hela especulação de preço, ita fó tan subsídio ba sira, ita-nia povo mak sai vítima ba iha

processo ida-ne'e, tanba ne'e oinsá mak ita bele resolve atu labele fó beibeik todan ba ita-nia povo ne'ebé la iha capacidade atu sosa.

Tuirmai, situação kona-ba segurança ne'ebé atualmente iha, IX Governo ho ninia política, dehan repõe ordem democrática, maibé situação segurança ne'e questionável tebes. Iha dia 16 de setembro de 2023, ita-nia polícia sira tiro jovem ida iha capital Díli, iha dia 21 de setembro foin lailais tiro tan jovem ida iha Lautém.

Dia 22 de setembro iha confronto ne'ebé acontece iha Baucau no resulta chefe aldeia no jovem ida kanek, no loron kalan ita dehan katak desconhecido mak halo hela circulação no halo hela movimentação, halo *stop* iha dalan público sira, to'o labarik estudante sira atu bá escola mós inseguro ba sira-nia viagem. E, balu inan-aman ta'uk la haruka nia oan sira bá tuir aulas. Ida-ne'e oinsá mak Governo atu resolve?

No política ne'ebé iha começa daudauk ona troca diretor sira husi SNI, no PCIK Adjunto mós troca ona. Será que ida-ne'e mak sai obstáculo? Se troca ona, oinsá ita bá oin atu labele iha tan.

Tuirmai, bee moos, estrada no eletricidade ba aldeia sira ne'ebé iha Governo uluk deteta ona katak iha aldeia lubuk ida mak seidauk hetan acesso ba eletricidade ho di'ak, liuliu iha Suco Macalaco, Aldeia Defadae, kleur tebes ona mak sira exige, pelo menos entre sira-ne'e ita resolve netik balu. Se bee moos mak la resolve, então resolve estrada, para facilita tanque sira halo circulação, povo mós bele sosa bee ho preço ne'ebé razoável.

Exemplo ki'ik de'it, iha Macalaco, quando ema sosa bee, tanque ida 100 USD. Então estrada quando di'ak, sira bele acesso ona estrada di'ak, tanque bee nia folin ne'e bele tuun, tanba iha-ne'ebá quase posto Quelicai tomak ne'e lamenta loos ba bee moos. Ne'ebe oinsá programa ida-ne'e, tanba kleur demais ona, povo sira iha-ne'ebá hein hela ida-ne'e.

Ikusliu mak devolução restos mortais ne'e pelo menos iha ona informação husi Governo karik, orsida Sr. Vice Ministro Assuntos Parlamentares bele fó to'ok, tanba kleur tebes ona ita hein hela ida-ne'e, segunda-feira e terça-feira ami levanta beibeik ida-ne'e.

Obrigada ba tempo, Sr.^a Presidente.

Sr.^a **Presidente:** — Muito obrigada, Sr.^a Deputada.

Ho respeito ha'u hato'o, liga ho restos mortais, delegação AIPA bá to'o Jakarta, ami tau iha lista atu ko'alia. Mas é um assunto muito delicado, tanba ne'e mak ha'u hato'o iha-ne'e, e ha'u respeita assunto sira-ne'e. Tanbasá? Sr.^a Puan Maharani husu para ha'u hasai tiha ponto ida-ne'e, husik ba iha discussão depois de sira-nia eleição. Ne'ebe ita mós respeita ita-nia vizinho, ita iha problema ne'ebé hala'o durante tinan 24, e ha'u hanoin katak Governo mós iha preocupação ida-ne'e.

Segundo, liga ho recomendação Chega! nian, ha'u rasik mak hato'o iha-ne'e, durante audiência ha'u ho Chega!, sira hatete katak Parlamento Timor-Leste mós devia aprova *memorandum of understanding* ho indonésia liga ho pessoas desaparecidas, mas ita la iha iniciativa ida-ne'e.

Sr. Deputado David, no mês passado, se não estou em erro, foti, ha'u responde tiha ona. Ohin Ita-Boot repete, por favor regista para ita toma nota e ita husu, se bele, resolução ida-ne'e ita mós aprova iha-ne'e, husu Governo atu lori mai para ita aprova porque selae ita questiona, mas ita haluha ita-nia papel.

Hodi nune'e, distintos Deputados, ita *break* 15 minutos, sei iha por volta de..., Deputado David «Mandati» sei tui mai, Deputado Marcos Martins, Sr. Deputado Luís Roberto, Sr.^a Deputada Cedelízia, Sr. Deputado Abel dos Santos, Deputada Lúcia Taeki, Deputado Armando Lopes, Deputado Firmínio Taequi, Deputado Natalino dos Santos, Deputado José da Cruz ho Sr. Deputado Antoninho Bianco, ita fila husi *break* ita bele halo hotu ne'e.

Ne'ebe ha'u convida Srs. Deputados, 15 minutos, ita tama filafali. Se la iha quórum ha'u taka, está bem? Ne'e para ita consensos, 15 minutos fali mai ita hala'o fali ita-nia serbisu.

Muito obrigada.

Horas hatudu tuku 10 liu minuto 59.

Sr.^a **Presidente**: — Srs. distintos Deputados, halo favor tuur para ita hahú ho intervenção.

Horas hatudu tuku 11 liu minuto 53.

Halo favor Srs. distintos Deputados, ida-idak hola fatin.

E, tuir kedas ha'u bolu Sr. Deputado David Ximenes.

Halo favor.

Sr. **David Dias Ximenes «Mandati»** (FRETILIN): — Boa tarde, Sr.^a Presidente, maluk Deputado sira hotu, Vice-Presidente – ohin balu dehan Vice-Primeiro-Ministro be ha'u mós ohin hakfodak tiha, agora, mas pronto, keta halo be atu bá ne'eba karik, Maromak tulun nia, matebian sira tulun nia.

Ha'u iha ponto barak iha-ne'e atu ko'alia.

Primeiro, ha'u atu ko'alia de'it kona-ba horisehik horibainrua senhora ida asu tata, lori ba hospital, to'o iha-ne'ebá sei tuur, ninia liman sei raan hela, asu tata, senhor iha-ne'ebá ne'e husu kedas ba nia: «Nu'usá la bá Comoro?»

Senhora responde: «Be ha'u raan hela, haruka ha'u bá fali Comoro ka?».

Depois muda fali ba portão seluk atu koko tensão, senhora enfermeira ida, foin sa'e kala 19 anos hanesan ne'e, husu kedas ba senhora ida ho idade 69 anos ninian ne'e dehan: «moras saida?» senhora ne'e responde: «Ita-Boot la hatene, husu! Senhora, Ita-Boot mai tuur iha-ne'e oinsá mak ida-ne'e?».

Depois dehan katak atu hetan injeção contra tétano, afinal de contas fó ba dehan katak ai-moruk la iha, haruka mai fali centro, centro mós ai-moruk la iha, bá fali iha Vera Cruz ai-moruk la iha nafatin, só depois de um dia mak bele hetan. Ne'e problema! Contra tétano ne'e loloos lailais.

Segundo ponto ne'ebé ha'u hakarak ko'alia, ohin Sr.^a Presidente ko'alia kona-ba Presidente Parlamento, *MPR DPR* Indonésia nian hasai Ita-Boot nia ponto ida be atu ko'alia kona-ba ita-nia restos mortais ne'e, dehan katak «assunto delicado, ne'ebe la bele», ha'u mós atu dehan, assunto delicado ne'e mai ita be Timor, Timor mak lakon ninia ema. Não há cabimento nenhum quando Senhora ne'ebá dehan katak assunto delicado, delicado liu mai ita be lakon ema ne'e.

Ha'u dehan iha-ne'e repetitivamente e reiteradamente katak la iha intenção política, nem perseguição, iha-ne'e hakarak de'it respeito aos nossos restos mortais, porque sira bele mai ona visita sira-nia restos mortais iha-ne'e iha Balide ne'ebá, mai visita ona, sira tenta atu hadi'a sira-nian, be ita-nian ne'e tanba saida mak sai fali delicado? Qual é o problema? Ne'ebe, ha'u-nia hanoin, ha'u dehan tiha ona katak uluk ita aprova tiha ona buat ida be resolução ida para haree tuir buat ida-ne'e. Agora ita-nia Ministério dos Negócios Estrangeiros e Cooperação mak seidauk mai, sira tem que haruka buat ida be Convenção Internacional para a Proteção de Todas as Pessoas Contra o Desaparecimento Forçado ne'e, tem que mai husi ita-nia Ministério dos Negócios Estrangeiros e Cooperação, para depois sira lori lailais mai ita aprova, porque ha'u-nia ta'uk mak ida-ne'e, Presidente, sira be uluk vinte e tal anos agora ne'e 70 e 80 anos ona, maka sira mate hotu tiha acaba por dizer que já ninguém sabe e acaba por ignorar.

Ha'u aceita reconciliação, mas isto não significa que eu devo ignorar os nossos que pereceram e que deram, e hoje não se sabe onde é que estão.

Muito obrigado.

Sr.^a **Presidente**: — Sr. distinto Deputado, eu fui clara, ha'u claro tebes ko'alia tétum. Assunto ne'ebé ami hato'o tem que iha mútuo entendimento entre o Parlamento Timor-Leste ho Parlamento da Indonésia. Quando iha ponto que la concorda, então ha'u tem que hasai, tanba ne'e diplomacia, Senhor.

O Senhor está na Comissão B...

Sr. **David Dias Ximenes «Mandati»** (FRETILIN): — Ponto de ordem!

Sr.^a **Presidente**: — Pode pedir ponto de ordem, mas não para responder. Se quiser responder-me, vai ali, ao meu gabinete! Ita rua ko'alia iha-ne'ebá, está bem?

Com muito respeito...

Sr. **David Dias Ximenes «Mandati»** (FRETILIN): — Ponto de ordem!

Sr.^a **Presidente**: — Espera! Eu nem dei nenhuma palavra.

Sr. **David Dias Ximenes «Mandati»** (FRETILIN): — Eu vou ao seu gabinete.
Muito obrigado.

Sr.^a **Presidente**: — Ya, selae ha'u taka Ita-Boot nia microfone eu não deixo Senhor falar.
Não fale!

Sr. **David Dias Ximenes «Mandati»** (FRETILIN): — ... aí é outra coisa!
Muito obrigado.

Sr.^a **Presidente**: — Eu ainda não deixei falar, Senhor! Podemos respeitar um ao outro?

Sr. **David Dias Ximenes «Mandati»** (FRETILIN): — Muito respeito, mas não é desta forma.

Sr.^a **Presidente**: — Ha'u ohin hato'o katak iha assuntos ne'ebé aceita para ko'alia iha-ne'ebá, tanba ne'e mak iha AIPA ami hasai o que é que nós não queremos falar ali. Ne'e diplomacia ha'u-nian, Ita-Boot aban-bainrua troca ha'u bele halo nune'e ka lae *bukan urusan saya*.

Sr. **David Dias Ximenes «Mandati»** (FRETILIN): — Olha, estou apagado por isso que não a troco! Eu tenho capacidade...

Microfone desligado husi Presidente, maibé Sr. Deputado David continua ko'alia.

Sr. **Presidente**: — Vamos prosseguir, Srs. Deputados.
A seguir, o Sr. Deputado Marcos Martins.

Sr. **Marcos Soares Martins** (CNRT): — Obrigado ba oportunidade.
Respeito ba distintos Deputados, Presidente Parlamento Nacional ho composição da Mesa.

Primeiro, hato'o apreciação ba delegação Parlamento Nacional ne'ebé bá participa iha Assembleia Geral da *ASEAN Inter-Parliamentary Assembly*.

Segundo, hakarak hato'o ba Excelência Ministro da Agricultura, ligado ba reabilitação café ne'ebé tinan ida ona pagamento segunda etapa seidauk halo tan. Ita-nia povo sira-ne'ebé tesi ona sira-nia café hein hela durante tinan ida, ita-nia governante sira bá promete hela e tesi café, ne'ebé fuan mós tesi tan tiha de'it, to'o agora seidauk halo pagamento ba segunda etapa.

Terceiro, hakarak hatete de'it katak iha dados balu mak la loos, maibé sira be dados la loos ne'e uitoan de'it, ne'ebe halo lai pagamento ba sira-ne'ebé dados loos, depois sira-ne'ebé dados inventados ne'e mak ita trava lai.

Quarto, husu ba Excelência Secretário de Estado ne'ebé trata assunto proteção civil atu orienta nia membro sira iha município atubele tesi tiha ai samatuku sira-ne'ebé iha dalan iha Railaco ba Ermera, ne'ebé ameaça ba movimentação transporte público, ho nune'e bele responde ba ita-nia ita-nia política, katak antecipadamente di'ak liu do que buat ne'e acontece mak ita foin responde.

Obrigado ba Excelência sira hotu nia hanoin.

Sr.^a **Presidente**: — Tuirmai, Sr. Deputado Luís Roberto.

Sr. **Luís Roberto da Silva** (KHUNTO): — Obrigado, Sr.^a Presidente Parlamento Nacional.

Boa tarde ba Ita-Boot, membro da Mesa tomak, Excelência Sr. Vice-Ministro dos Assuntos Parlamentares, colega Deputado no Deputada sira no mós ba povo doben Timor-Leste.

Iha-ne'e assunto primeiro, ohin colega Deputado sira ko'alia tiha ona, relaciona ho atitude *oknum* membro polícia ne'ebé, dala barak, halo atuação sempre usa último recurso. Último recurso mak sente ba hanesan sira-nia vida ne'e ameaçada be sira usa arma ne'e tiro, hakanek ita-nia jovem sira, halo tohar ita-nia jovem sira, ida-ne'e hakarak husu ba comando atubele fó formação kle'an nafatin ba ita-nian agente polícia sira para sira compreende didi'ak sira-nia papel ne'e saida.

Hanesan acontece iha Lospalos, ne'e iha Pairara ne'ebá ne'e, tanba de'it ita-nia jovem sira balu ko'alia katak sira milícia, dehan tuda, então sira responde ho kilat, armas. Ida-ne'e ladún di'ak ida, ne'ebe husu ba comando para oinsá bele fó formação ba sira kle'an.

E, tuirmai maka ha'u-nia visita ida ba Município Baucau, liuliu Posto Venilale, atan-ha'u nia posto rasik iha Venilale ne'ebá, depois de ita ukun an até à data ita ko'alia kona-ba bee moos problema hela de'it. Tempo udan ne'e ami Venilale bee barak, bee mosu iha fatin-fatin, mas, quando tempo bailoro naruk hanesan ne'e bee ne'e problema ba ami. Ne'e maioria ba Posto Venilale.

Maibé ita hotu hatene katak Venilale ne'e centro educação ida iha-ne'ebá, padre no madre sira iha-ne'ebá, quase município hotu-hotu ninia oan sira-ne'e bá escola iha-ne'ebá, matenek iha-ne'ebá, balu

sai ministro, balu sai Deputado, balu sai diretor, cargo oioin ne'ebé assume iha Timor ida-ne'e, maibé Venilale ne'e, coitado, até à data bee moos mós seidauk iha.

Ita-nia madre no padre sira iha-ne'ebá mós de vez em quando bá hola bee, bá sosa bee mak hodi consome, tanba ida-ne'e mak husu ba Excelência Sr. Vice-Ministro, bele encaminha ba ne'ebá hodi responde netik ita, Venilale oan sira, nia preocupação. Ha'u dehan «ita» tanba ita hotu iha-ne'ebá aprende buat barak iha Venilale, ne'ebe bele responde netik buat ruma ba Venilale para ita-nia comunidade sira-ne'e bele iha acesso ba bee moos. Estrada di'ak ona, mas bee moos ne'e mak até à data seidauk.

Tuirmai maka uluk iha AMP nia tempo – AMP ida liubá ne'e, la'ós Aliança de Mudança para Progresso, lae! Ida be Aliança Maioria Parlamentar iha momento ulukbá ne'e – iha companhia ida, Delima, senhor ida ho naran José Manuel, iha Venilale ne'ebá, momento ne'ebá halo irrigação ida utiliza bee mota nian ne'e hodi responde ba comunidade sira-nia natar iha-ne'ebá quase 20 ha hanesan ne'e karik. Iniciativa ne'e halo duni di'ak iha-ne'ebá, e aproveitamento ba ita-nia comunidade sira iha-ne'ebá capaz loos, mas, foin daudauk iha inundaçáo ne'e estraga hotu tiha, irrigação ne'e tohar, estraga tiha ona. Iha companhia balu ne'ebé iha-ne'ebá começa sukat ona, halo nu'usá para IX Governo bele hadi'a filafali irrigação ne'e para bele responde ba ita-nia natar ne'ebé quase 200 ha resin iha-ne'ebá bele hodi acesso ba bee ne'e, tanba bee ne'e utiliza bee mota ninian. Ne'ebe horiseik horibainrua ha'u bá to'o iha-ne'ebá, ha'u haree fatin ne'e, cano sira-ne'e, bee fatin sira-ne'e tohar hotu tiha ona be, se bele karik, hadi'a. Ne'e momento companhia Delima mak halo, mas natureza ne'e mosu mai estraga tiha ona be agora halo nu'usá para hadi'a filafali tanba comunidade sira iha-ne'ebá halerik hela kona-ba irrigação ida-ne'e.

Ida-ne'e mak ha'u hakarak hato'o ba Sr.^a Presidente.

E, ikusliu maka ha'u hakarak secunda nafatin intervençáo husi Bancada FRETILIN. Maski ha'u tama iha Parlamento ne'e foin iha IV Legislatura, mas ha'u aceita wainhira ita exige beibeik halo nu'usá para ita-nia saudoso sira-ne'ebé lakon iha funu laran ne'e, se bele karik, ita halo negociaçáo.

Ida-ne'ebé ita la hatene, karik iha rai-laran ne'e ita buka bá mai, mas ida be ita hatene hela, hanesan Sr. Lobato nian, Sr. Daitula nian, ita hatene hela ninia lala'ok ne'e, sé mak oho, sé mak hodi, sé mak captura, ita hatene hela, maneira saida mak ita atu halo para bele hodi filafali sira-nia ruin sira-ne'e mai. Ne'ebe ne'e responsabilidade Estado ne'e nian, liuliu Governo e Parlamento mós, ita serbisu hamutuk halo nu'usá para bele recolha filafali ita-nia saudoso sira-ne'ebé mate, ita hatene hela.

Tanba tuir Sr. David ko'alia katak comandante sira indonésia nian ne'e barak mak sei moris hela, balu agora *panglima*, balu *eks-panglima*, sira sei moris hela, ne'ebe oportunidade ida-ne'e mak ita atu usa para bele halo negociaçáo ho sira. Se la halo negociaçáo ho sira maka tempo ida ami-nian, ba ita-nia oan sira tuirmai, de vez em quando haluha tiha. Ne'ebe precisa duni ita halo nu'usá mak hamutuk bele luta ba ida-ne'e, selae maka natureza ne'e babeur nafatin ita.

Obrigado, Sr.^a Presidente.

Sr.^a **Presidente**: — Tuirmai, Sr.^a Deputada Cedelízia dos Santos.

Sr.^a **Cedelízia Faria dos Santos** (CNRT): — Muito obrigada, Presidente.

Mais uma vez ha'u nia boa tarde ba Ita-Boot no ba composição da Mesa, ba Sr. Vice-Ministro, colegas distintos Deputados, audiência, povo do ben Timor-Leste no maluk rona-na'in Rádio Parlamento Nacional, ne'ebé sintoniza hela ita-nia frequência Dili nian.

Ha'u mós hetan informação, iha-ne'e atu fó-hatene mós katak hato'o hela ha'u-nia nia parabéns ba Secretariado Parlamento Nacional ne'ebé, liuliu husi direção Rádio Parlamento, bele ativa ona Rádio Parlamento iha Município Lautém no mós Município Ainaro liuhusi frequência Lautém nian 93.9 MHz no Ainaro nian 92.6 MHz então ita-nia maluk sira iha município rua ne'e mós bele começa ona sintoniza Rádio Parlamento, no iha tempo badak sei iha mós iha Oe-Cusse, Viqueque no Maliana. Tanba, ne'e ha'u hato'o parabéns ba ita-nia técnico sira ne'ebé serbisu iha Rádio Parlamento.

Ha'u mós hakarak hato'o ha'u-nia parabéns ba relatório ne'ebé fó-sai ona iha *UIP* nian, ne'ebé delegação ne'e lidera husi ita-nia Presidente e ha'u fó-hanoin de'it ba delegação ida-ne'e, katak recomendação furak sira ne'ebé ohin hakerek iha relatório *AIPA* nian ne'e labele tau de'it iha surat-tahan, maibé ba oin karik favor tau hela consideração, no, se bele karik, *follow up* para ba oin bele hadi'a di'ak liután.

Ha'u mós hakarak hato'o ha'u nia parabéns ba SEFOPE tanba iha tinan 2022 de'it lori ona ita-nia trabalhador mais do que 2000 ba serbisu iha rai-li'ur, especialmente Austrália, tanba ita hatene katak wainhira sira ba serbisu iha rai-li'ur, sira mós hatama, haruka osan mai sira-nia família, ajuda economia família nian, automaticamente apoia mós economia ita-nia rai-laran.

E, ha'u hakarak hato'o mós parabéns ba Ministério das Finanças tanba bele reativa ona Orçamento Retificativo 2023 nian iha sistema financeiro sira, inclui mós iha Portal de Transparência, ne'ebé ita haree katak montante refere, 1,9 bilhões ne'e, afetado tiha ona iha sistema sira-ne'e hotu. Maibé, ha'u mós hakarak fó-hanoin ba linha ministerial sira hotu, halo favor haree didi'ak, controla didi'ak ita boot sira-nia execução tanba agora ita iha ona fulan-setembro.

Ha'u nota mós iha-ne'e katak iha RAEOA nian to'o data ida ohin, nia execução ne'e sei ki'ik tebes, 39,4%, inclui ona «compromisso» no *obligation*.

Excelência Vice-Ministro, ha'u nota mós iha-ne'e katak orçamento ne'ebé ita aloca ba CLN (Centro de Logística Nacional), 8,4 milhões, nia execução to'o ba loron ohin foin 24,1%. Ita hatene hela ita-nia Rai, ita-nia povo sira preocupa tebes ho folin foos nian, ha'u rona Excelência Vice-Ministro rasik explica ona maneira furak ida-ne'ebé ita-nia Governo atu halo, atu fó subsidio ba foos sira, liuliu ba *stock* sira ne'ebé hetan hela sofrimento ba taxa ida 5% nian, ida-ne'e maneira ida di'ak tebes, ami hein

katak iha tempo badak ne'e bele tau lailais ba execução tanba, hanesan ohin ha'u dehan ne'e, orçamento ne'ebé ita aloca ba CLN ninia execução ne'e foin 24,1% de'it, se bele, tanba setembro ona, maneira ida ita atu ajuda lailais ita-nia povo ne'e, ha'u hanoin, orçamento ne'ebé iha ita bele executa lailais para ba resolve tiha problema sira-ne'e.

Ha'u hakarak fó-hatene mós, Sr. Vice-Ministro, ha'u simu resposta ida husi *Telkomcel* kona-ba preocupação ne'ebé ha'u foti, karik semana rua kotukbá, kona-ba torre *Telkomcel* nian ha'u lê sira-nia resposta ne'e sira hatete katak iha Has-Laran, Suco Bemori, ne'e loos duni. Maibé, foto ida sira fó-sai ne'e iha estrada de'it, foto ida sira anexa iha relatório ne'e ne'e la foto kona-ba uma sira-ne'e. Karik ha'u loron ruma bele ajuda ba foto hela, depois Sr. Vice-Ministro mai karik ha'u bele entrega direta hodi haree direta katak torre iha ne'ebá ne'e besik tebes iha população sira-nia uma.

Ida tan mak dehan iha suco ida Ai-turi laran ne'e, ha'u hanoin, aldeia ida nia fó ne'e la loos ida tanba Lahane Oriental ne'e ida ha'u menciona ne'e iha Aldeia Monumento-Calma, la'ós aldeia ida-ne'ebé tau iha anexo iha documentos ne'e. Ha'u hanoin, ida-ne'e la loos ida, ne'ebe orsida ha'u bele ajuda fó filafali foto fatin rua ne'e, ne'ebé besik tebes ba ita-nia população nia uma ne'e. Ida fali ne'e nia dehan Aldeia Raimean, Suco Lahane Oriental, ha'u hanoin, ida-ne'e la loos tanba aldeia ida ha'u menciona ne'e aldeia Monumento-Calma. Maibé ha'u hato'o obrigada barak ba Ita-Boot ne'ebé canaliza ona ita-nia preocupação ba *Telkomcel*.

Ha'u hanoin, mak ida-ne'e de'it.

Muito obrigada.

Sr.^a **Presidente:** — Tuirmai, Sr. Deputado Abel do Santos.

Sr. **Abel dos Santos** (PLP): — Obrigado ba tempo.

Respeito ba Excelência Presidente Parlamento, composição da Mesa, Vice-Ministro dos Assuntos Parlamentares, colega distinto, distinta Deputado sira hotu, povo doben Timor-Leste ne'ebé acompanha hela ita hotu iha Uma-Fukun ida-ne'e.

Antes tama ba intervenção ha'u-nian, primeiro, ha'u fó parabéns ba equipa *AIPA* Parlamento Nacional ne'ebé cria ona cooperação ho membro Parlamento seluk ba iha nação seluk ba interesse nacional Timor-Leste nian.

Iha loron ida ohin ha'u-nia intervenção ne'e relaciona ho participação ne'ebé ita-nia cidadão sira iha base enfrenta tanba iha dia 22 foin lailais, loron rua-tolu liubá, ha'u simu telefone husi ita-nia ema sira iha aldeia naran Ainesi, Suco Fahinehan, Posto Fatuberliu, sira-nia preocupação ne'e iha buat tolu: ida primeiro mak kona-ba dalan, ahi no bee. Maibé, ba parte rua seluk sira ladún preocupa, sira preocupa liu kona-ba dalan. Oinsá ho Governo foun ida agora, cria to'ok condição ida ba dalan sira-nian ne'e para sira bele hetan acesso ba mercado, no acesso ne'e la'ós ba de'it mercado maibé aceso mós ba

posto no aceso mós ba capital Município Manufahi tanba iha aldeia ida ohin ha'u dehan, Ainesi, ha'u simu contacto husi sira ne'e, ida-ne'e iha posto rua nia klaran, centro, posto Fatuberliu ho posto Turiscail. Sira-nia preocupação mak ne'e, iha suco, aldeia ida-ne'ebá, aldeia Ainisi, ho mós Suco Bubususu mai Suco Orana, Foholau, Liurai, sira preocupa tebetebes wainhira sira trata assunto balu iha posto ka ou município, tem que fó volta ho quilómetro ne'ebé naruk, tem que sai mai iha posto Turiscail Vila. Se, exemplo, bá capital Município Manufahi, sira tem que sai mai iha Posto Turiscail Vila, sai mai estrada boot Urahou nian, sai mai Maubisse, depois mak foin to'o ba Município Manufahi. Maibé, dala barak liu sira la usa dalan ida-ne'e, atu bá capital município, sira só usa filafali oin ba iha suco Fahinehan, ba iha Tutuluro sai ba Holarua, ida-ne'e mak badak liu ba sira. Maibé, ita atu hatete de'it, sira usa dalan ida-ne'e badak, maibé dalan ida-ne'e ho tempo ne'ebé naruk liu ona to'o agora dalan ne'e, atu dehan loloos de'it, tanto Governo uluk to'o agora la iha ema ida atu tau matan. Ha'u sente, preocupação husi suco sira ne'ebé ohin ha'u hatete, ita-nia Vice-Ministro dos Assuntos Parlamentares hatene fatin sira-ne'e hotu no dala ruma Vice mós atu ba Tutuluru liu mós husi ne'e, ne'ebe, iha ida-ne'e preocupação sira-ne'e, ha'u husu favor ida, ajuda mós husi Comissão E, ne'ebé trata kona-ba Assunto Infraestrutura nian, se bele ajuda mós Comissão E, ba Vice-Ministro, para encaminha mós preocupação sira-ne'e ba ita-nia ministro ne'ebé relevante ho preocupação sira-ne'e. Ita-nia comunidade sira ne'ebá ne'e lamenta hanesan ne'e de'it, sira la husu buat ida mai ita, sira la husu ita atu fó han sira, atu fó serbisu sira, maibé sira só husu de'it oinsá ita cria condição ida ba sira para sira bele iha acesso mai iha mercado para bele buka sira-nia moris. Ida-ne'e mak preocupação.

Ikusliu, intervenção ikus liu ha'u-nian, ba mós preocupação ne'ebé liga ba dalan hotu, estrada, ida ohin ne'e iha Município Manufahi mas ida-ne'e iha hela capital ne'ebé ita hotu, líder político hotu-hotu, tanto Governo, tanto Parlamento, tanto se de'it hela hotu, iha Díli laran ne'e, ida-ne'e ita hatete *jantung* kota tiha ona, mas *jantung* kota ida-ne'e...

Sr.ª Presidente fó sinal atu Sr. Deputado ne'e conclui ninia intervenção.

... – Uitoan tan, Presidente, desculpa – hanesan estrada ida liga husi Kasnafar sa'e ba iha aldeia ida Leilaus, quando ba rai-henek ou fatuk ruma mak ita-nia comunidade iha-ne'ebá precisa, liuhusi uitoan nune'e cada *rit* hetan 25 ou 30 USD de'it. Maibé, tanba foin lailais udan ne'e acontece dalan ne'e aat tiha, então sira tem que fó volta naruk tama husi capital ne'e mak sai fali ba Lahane nian hodi ba iha-ne'ebá, cada *rit* ne'e 100 to'o 150 USD. Ne'e, se bele karik, ita la tau condição ne'ebé di'ak, husu to'ok ba Ministério das Obras Públicas haree to'ok equipamentos IGE nian ne'e, tau netik atenção ba ida-ne'e.

Obrigado.

Sr.^a **Presidente**: — Muito obrigada.

Tuirmai, Sr.^a Deputada Lúcia Taeki.

Sr.^a **Lúcia Taeki** (CNRT): — Di'ak, obrigada ba tempo.

Sr.^a Presidente no componentes da Mesa, Vice-Ministro dos Assuntos Parlamentares, colega Deputada, Deputado sira, povo rona-na'in.

Ha'u-nia preocupação rua de'it, maibé ha'u foti nafatin, ha'u hanoin, iha V Legislatura ha'u ko'alia tiha ona dala hira, atu ko'alia kona-ba dormitório estudante Oe-Cusse Ambeno nian, ne'ebé estabelece kedas hahú tempo Indonésia. Dormitório ida-ne'e hetan reabilitação iha dia 17 de agosto de 2022, tinan ida ona. Agora daudaun, dormitório ne'e seidauk hotu, la hatene tanba saida, dormitório acumula estudante ne'ebé husi Oe-Cusse, husi posto administrativo haat e 18 sucos, ne'ebé sira mai atu buka matenek iha Díli. Agora daudaun ita-nia alin sira total 46 pessoas hela iha Dom Bosco, ne'ebé padre mak oferece fatin, ha'u rona dehan cada fulan husi Autoridade selu 2000, hodi hein dormitório ne'ebé halo quase tinan ida resin ona.

Ha'u la hatene, ha'u dala ruma ko'alia, husu ba Presidente Autoridade, projeto barak ne'ebé abandona, la hotu, maibé ha'u hakarak husu de'it Presidente Autoridade, se hatene hanesan ne'e, ha'u-nia preocupação mak ida-ne'e, companhia ne'ebé abandona ou la continua serbisu ne'e, halo saida ba companhia ne'e? Tanba la'ós de'it ida be *Kampung Baru* ka Rai-Hun ka fatin iha dormitório ne'e, maibé iha Oe-Cusse mós hanesan ho ida-ne'e. Ida-ne'e mak preocupação tanba alin sira agora daudauk hela iha Dom Bosco ne'ebá hetan dificuldade atu estuda. Quarto ida acumula alin na'in-tolu na'in-haat e te'in mós iha laran, então oinsá sira-nia necessidade atu hetan buat ida nia estuda ho buat ne'ebé di'ak. Ho ida-ne'e mak ha'u husu, Sr. Vice-Ministro, favor ko'alia to'ok ho Presidente Autoridade tanba assunto ida-ne'e la'ós foin hahú ha'u ko'alia, iha V Legislatura ha'u foti quase dala tolu ka dala haat, maibé to'o ohin loron seidauk halo hela de'it, la hatene preocupação saida mak seidauk hotu.

Tuir tan, ita hatene katak Oe-Cusse ho Ataúro sira-nia viagem, movimento só ho ró no avião, agora daudauk, Ró Nakroma aat tan ona tanba la hetan manutenção rotina.

Sr. Vice-Ministro, odamatan Ró Nakroma nian ne'e tinan ida *memang* la hadi'a duni e ró ne'e ba ne'e hanesan cuidado, atu ko'alia bahasa karik, tanba *tuntutan* passageiro então sira cumpre, maibé quando situação ne'ebé la di'ak, ró ne'e la bá duni tanba ta'uk iha buat ruma.

E husu mós tanba hela fulan rua ka tolu ita tama ona ba dezembro, ne'e sei dificulta tebes passageiros husi Oe-Cusse no Ataúro atu halo movimento ka viagem ba ne'ebá. E, ita hatene katak Oe-Cusse iha ró ida, Ró *Sukses*, ne'e ró *pribadi*, atu husu ministério relevante, liuliu Direção Porto, bele ko'alia filafali ho Ró *Sukses* nia na'in para bele foti fali horário Ró Nakroma nian para bele

atende, tanba ita hatene katak mesmo Ró Nakroma iha, maibé nafatin passageiros barak bá-mai, bá-mai.

Quando ita hatene katak ró ida de'it, então sei la suficiente, ho ida-ne'e mak ha'u husu para bele halo nu'usá, maneira nu'usá, atubele Ró *Sukses* atende hela hodi hein Ró Nakroma bele hetan manutenção ne'ebé di'ak.

Mak ne'e de'it.

Obrigada.

Sr.^a **Presidente**: — Muito obrigada, Sr.^a Deputada.

Ha'u atu comenta uitoan de'it, ita Deputado aprova orçamento, ita mai husu fali, «osan iha ka lae?», ida-ne'e ha'u mak husu ba Comissão E, sinal trânsito ne'e osan iha ka lae, labele mai husu ha'u.

Ita aprova osan ne'e ita ba escrutina osan que ita aprova, ne'ebe lalika mai husu fali ba Presidente, inclui a manutenção Ró Nakroma.

Iha osan ka lae, vai procurar saber tanba ita aprova osan ne'e executa ka lae, ida-ne'e mak lori mai para ita hodi husu Governo, selae ita husu malu, ita mak aprova.

Tuirmai, Sr. Deputado Armando Lopes.

Sr. **Armando dos Santos Lopes** (PD): — Di'ak, obrigado ba tempo.

Ha'u-nia respeito ba Sr.^a Presidente Parlamento Nacional, Vice-Ministro dos Assuntos Parlamentares, composição da Mesa, colegas Deputado no Deputada sira hotu no povo rona-na'in tomak ne'ebé sintoniza hela Rádio Parlamento Nacional.

Ha'u iha buat haat ne'ebé ohin atu hakarak hato'o, maibé rua colega sira balu ohin hato'o ona.

Em primeiro lugar, aproveita ida-ne'e ha'u hakarak, em nome Comissão G, fó apreciação ba Ministério da Educação ne'ebé hatán ona ou resolve ona problema professor contratado sira ne'ebé assina contrato iha fulan-abril 2023, quase 149 professor contratado ne'ebé hetan sira-nia direito oito meses nian.

Segundo, ha'u hakarak hato'o relaciona ho folin sasán ne'ebé ohin colega Deputado sira hato'o no mós povo sira halerik iha terreno e grupo balu ne'ebé aproveita ou partidariza, ou espalha informação katak iha Parlamento Nacional hatún ona taxa, maibé Governo incapacidade atu halo intervenção ba folin sasán ne'ebé sa'e hela.

Husi parte balu ha'u aceita katak iha terreno cigarro *slop* ida agora nia folin por volta de 23 USD e foos 25 kg agora sa'e hela ba 19,75, USD, balu 20 USD.

Condição preço foos la'ós Timor-Leste de'it mak hasoru ou sente. Balu dehan, «Timor-Leste crise foos», ha'u dehan, Timor-Leste la'ós crise foos, Timor-Leste seidauk sério investe ba produção foos

iha rai-laran, quase 75% *import* ka mai husi li'ur, ida-ne'e mak sai problema ba nação República Democrática de Timor-Leste.

Nação hirak ne'ebé produz quantia foos no *export* foos mai iha Timor-Leste mós sente problemática, hanessan Indonésia, Vietname, Tailândia, Índia ho sira seluk tan, sira mós agora oinsá atu resolve problema Nação laran do que *export* mai iha Timor-Leste. Mas, ha'u garante, IX Governo Constitucional sei halo esforço maka'as hodi ultrapassa nia povo nia halerik ida-ne'e.

Parte seluk, ha'u bele dehan katak naturalmente situação ida-ne'e educa ita, hanorin ita. Ita, cinco partidos ne'ebé iha assento parlamentar iha legislatura ida-ne'e, ita hotu fila-fila kaer Governo hodi ita consciente katak Maromak oferece rai luan, rai ne'ebé bokur, tasi, foho, maibé ita husik, abandona. Maromak mós fó ona ita vários intelectuais, potenciais, «talentuais» ita la aproveita ho máximo no husik desemprego.

Ita iha fundo osan husi petrolífero, ita hatoman an, Governo troca malu mós hatoman an ba consumo político eleitoral, la investe ba efeito produtividade produção iha rai-laran.

Povo halerik nafatin, liuliu iha Município Lautém, hato'o nafatin ba ita, ba Governo, liuhosi nia Deputado sira, katak sira precisa duni trator ho tempo badak ida-ne'e tanba ho trator sira bele usa e melhora ho eficaz sira-nia an hamriik fiar an ba oin, atu hatán nia problema rasik do que ukun an mas depende ba seluk nia produto.

Ita aprova ona orçamento retificativo, mas to'o a data povo Lautém hela e hein nafatin se ita bele resolve manutenção trator sira ne'ebé rai hela iha-ne'ebá. Tan ida-ne'e ita precisa hamutuk, fó-hanoin ba Governo sosa foos melhor entre Governo ho Governo hodi ida-ne'e Governo diretamente bele fa'an foos e bele controla foos iha mercado no controla qualidade foos nian.

Karik ita fó fali companhia balu, bele acontece hanesan Cesta Básica, Governo nia intenção di'ak ba nia povo, maski implicitamente política eleitoral uitoan tama, maibé ba ha'u normal. Maibé, tanba através companhia, companhia aproveita di'ak ida-ne'e ba nian an rasik, ikusmai, povo bele julga ita tan tanba politicamente la iha coerência ba malu.

Ida-ne'e mak ha'u aproveita hakarak hato'o, e povo Lautém hein orçamento retificativo atu resolve trator ne'ebé aat hela.

Obrigado.

Sr.^a **Presidente**: — Ha'u la hatene retificativo tau osan ba trator ka lae, Sr. Deputado, ita ba *check* lai.

Tuirmai, Sr. Deputado Firmínio Taequi.

Sr. **Firmínio Taequi** (CNRT): — Obrigado ba Presidente.

Boa tarde ba Presidente no composição da Mesa tomak, Vice-Ministro dos Assuntos Parlamentares, Deputado no Deputada sira hotu.

Primeiro, ha'u hakarak aprecia ba atividade delegação nian.

Segundo, ha'u ko'alia nafatin, repete nafatin, semana kotuk ha'u ko'alia, sobre ahi mate beibeik iha Oe-Cusse, ne'ebe semana kotuk to'o agora sei mate nafatin, e, quando eletricidade mate, afeta mós bee la bele sai tanba perfuração bee ne'e precisa ahi.

Terceiro, iha semana kotuk ne'e Presidente Autoridade rasik clarifica ona katak APS (Ami Pronto Serbisu) ne'e la'ós funcionário duni, sira la'ós contratado, maibé Presidente declara katak sira hetan incentivo.

Iha biban ida-ne'e ha'u hakarak husu, incentivo, ne'e sira foti osan husi ne'ebé atu selu APS sira-ne'e? Foti osan item saida ninian?

Ikusliu, durante ami-nia Comissão G hala'o fiscalização iha Município Manatuto, Liquiçá, Lospalos, iha escola balu sei tara nafatin foto Presidente interior nian, e ha'u husu rasik labarik sira iha escola, «imi conhece ita-nia Presidente agora sé?» Sira la hatene. Ita sente katak ne'e la'ós problema, maibé significa ita la respeita ita-nia Presidente atual.

Mais menos informação ne'e mak ha'u hato'o.

Obrigado, Presidente.

Deputado balu hamnasa tanba Sr. Deputado Firmínio temi fali Presidente interior em vez de anterior.

Sr.^a **Presidente**: — Obrigada.

Presidente anterior, keta pronuncia mak sala é normal, ita mai ho dialeto ioioin.

Srs. Deputados, não se riam das pessoas, está bem? Ita-nia língua tétum ho influência dialetos, ha'u hanoin, é normal. Ha'u mós às vezes nanál naksalak.

Tuirmai, Sr. Deputado Natalino dos Santos.

Sr. **Natalino dos Santos Nascimento** (CNRT): — Obrigado ba tempo.

Boa tarde ba Presidente e componente da Mesa, Sr. Vice-Ministro dos Assuntos Parlamentares no ba colega distinto Deputado no Deputada sira.

Sr.^a Presidente, ha'u hakarak foti questão ida iha-ne'e, questão preocupação ita-nia empresário sira-nian, liuliu relaciona no Projeto-44, projeto ne'ebé hala'o iha 2017, to'o agora ita-nia empresário setor privado sira ne'ebé hala'o tiha ona serbisu quase hotu ona, maibé to'o ohin loron sira balu seidauk simu.

Iha V Legislatura, iha Comissão E, Obras Públicas ho ADN tun ba halo ona verificação ba projeto sira-ne'e, maibé to'o ohin loron projeto sira-ne'e seidauk resolve, tanba ne'e husu ba Vice-Ministro dos Assuntos Parlamentares regista e husu ba Ministério das Obras Públicas atubele haree assunto ida-ne'e, trata assunto ida-ne'e, hodi bele responde ba ita-nia setor privado sira, liuliu empresário local sira ne'ebé presta tiha ona sira-nia serbisu, hala'o tiha ona obra sira iha terreno.

Tanba ida-ne'e ita precisa atu fó consideração, liuliu IX Governo Constitucional, liuhosi Ministério das Obras Públicas, atu fó resposta imediata atu resolve situação ne'ebé ita-nia setor privado sira hasoru.

Segundo, ha'u husu ba ita atu haree filafali Guarda Lorosa'e nia estatuto, porque iha Parlamento Nacional ne'e, iha V Legislatura, se la sala, aprova tiha ona resolução ida ba Guarda Lorosa'e nia estatuto, maibé to'o agora sira seidauk hetan osan compensação. E oinsá sira-nia estatuto? Tanba sira mós cidadão Timor-Leste, povo timoroan, precisa atu ita haree filafali situação ida-ne'e.

Terceiro, ha'u preocupa tebetebes, agora daudauk iha Timor ita iha tiha ona bicicleta elétrica, *sepeda listrik*, ha'u preocupa tebetebes, tanba labarik ki'ikoan sira mak usa. Ita haree, *sepeda listrik* ho motor quase hanesan de'it, e, motor ita tau regras, iha *SIM (Surat Ijin Mengemudi)*, tau capacete (*helem*), maibé *sepeda listrik* ne'e labarik ki'ikoan sira mak kaer, tula malu, la tau *helem* e halai iha estrada pública. Tanba ne'e ha'u husu ba Vice-Ministro dos Assuntos Parlamentares atu tau questão ba ida-ne'e, oinsá bele regulariza para ita-nia labarik ka ema sira-ne'ebé usa tem que ho regras, selae problema boot.

Quarto, ita haree katak iha distrito Liquiçá, Manatuto, Oe-Cusse no Lospalos, iha buat ida tum-tum. Tum-tum ne'e transporte público ida ne'ebé acomoda atubele facilita ita-nia população sira atu bá basar iha cidade atu substitui *mikrolet*, maibé sira rasik balu la iha carta de condução, e sira tula passageiro. Tanba ne'e ha'u bolu atenção para tau regras porque ita, quando bá Liquiçá, agora *macet*, às vezes ita halai husi kotuk, tum-tum halai arbiru de'it, tanba ne'e ha'u bolu atenção para haree questão ida-ne'e atu resolve.

Ikusliu, aprecia delegação AIPA ne'ebé halo diplomacia parlamentar di'ak tebetebes, ida-ne'e precisa atu haree. Liuliu assunto ida ne'ebe' ohin Presidente menciona, ha'u husu para ita trata sasán ne'e ho digno porque ne'e diplomacia *antara* nação ida ho nação ida.

Ita preocupa tebetebes ita-nia mártir sira, ita-nia herói sira, ne'ebé mate ba Rai ida-ne'e, ha'u husu para ita haree, karik iha tan resolução ida para bele haforça, hodi bele halo negociação ba assunto ida-ne'e. Tanba ne'e, ha'u husu desculpa, sasán sira hanesan ne'e ita labele discute iha-ne'e, e karik bele, ita avança ho resolução ida atu fó importância ba assunto ne'e, liuliu ba Governo, oinsá bele haree assunto ida-ne'e.

Ikusliu, ha'u-nia preocupação, iha semana uluk ha'u foti, kona-ba zinzan sira começa to'o ona base. Ha'u mós preocupa, daqui a 15 ou 20 anos, identidade naran Timor ne'e la iha. Quase, ita haree, iha

loja sira tau naran china nian hotu, ida-ne'e ha'u-nia preocupação. Tanbasá? Será que SERVE (Serviço de Registo e Verificação Empresarial) ne'e mak fó licença ne'e mak hanesan ne'e ka? Ou, ha'u la hatene, sé mak fó autorização? La kleur tan, ha'u hanoin, ita-nia Timor mós troca hotu naran ona, tanba ne'e ha'u preocupa tebetebes. Ne'e problema ida que, ha'u haree, ba futuro sei la di'ak, porque agora daudauk kios de'it mós to'o iha base, sira ocupa hotu ona, loja mós começa tau sira-nia naran hotu ona, aban-bainrua identidade ita-nia bele lakon. Se ita la prevê, ita la regulariza, mak identidade Timor sei lakon iha futuro.

Obrigado.

Ida-ne'e de'it mak ha'u foti iha-ne'e, e ha'u fó filafali ba Mesa.

Sr.^a **Presidente**: — Muito obrigada, Sr. Deputado.

Tuirmai, Sr. Deputado José da Cruz.

Sr. **José da Cruz** (FRETILIN): — Obrigado, Excelência Presidente Parlamento hamutuk ho composição da Mesa, Excelência Vice-Ministro dos Assuntos Parlamentares, colega Deputada no Deputado sira hotu, povo Maubere no Buibere sira, mídia.

Em primeiro lugar, ha'u hakarak sekunda ha'u-nia intervenção iha semana kotuk liubá iha ausência Vice-Ministro Assuntos Parlamentares nian. Ha'u hakarak confirma de'it informação ne'ebé ha'u hato'o iha Parlamento ida-ne'e, kona-ba 53 funcionários quarentena ne'ebé destaca ona iha linha fronteira Timor nian, ne'ebé fulan barak nia laran até agora la hetan sira-nia direito ba incentivo alimentação nian. Tanba ne'e ha'u hakarak confirma, Sr. Vice-Ministro, karik orsida bele fó explicação.

Tuirfalimai, iha ponto ida kona-ba funcionário na'in-neen ne'ebé destaca, próprio iha Oe-Cusse, RAEOA (Região Administrativa Especial Oe-Cusse Ambeno), fulan rua nia laran la simu sira-nia salário. Ne'e triste! Fulan rua nia laran ema la simu salário, oinsá mak sira bele sustenta sira-nia família? Ida-ne'e hotu hakarak hetan explicação husi Vice-Ministro. Karik iha semana kotuk técnico sira iha-ne'e bele relata ba Ita-Boot.

Ponto tuirmai, ohin colega Deputado barak mak aprecia ona delegação Parlamento nian bá AIPA (ASEAN Inter-Parliamentary Assembly), maibé ha'u hakarak husu ba Presidente Parlamento, ne'e AIPA ne'e ka *Women Parliamentarians of AIPA*? Se *Women Parliamentarians of AIPA*, então loos, feto hotu mak bá, tanba iha Constituição, artigo 17.º, hatete iha-ne'ebá ne'e igualdade, direito ba política ne'e feto ho mane hanesan. E pior liu, Timor-Lese ida-ne'ebé luta maka'as ba *isu gender*, ne'e *gender discrimination* ka *gender bias*? Ida-ne'e ha'u hakarak husu, se *Women Interparliamentarians of AIPA*, então halo correção ba ha'u. Karik ida-ne'e sala, ha'u husu desculpa. Se loos, ita iha-ne'e hanesan segundo órgão soberano iha Estado ida-ne'e, karik iha qualquer visita bá rai-li'ur representa Estado ida-ne'e, tem que haree mós assunto constitucional sira hanesan ne'e.

Assunto sira-ne'ebé ohin ha'u-nia camarada Mandati foti, kona-ba pessoas desaparecidas, ne'e pertinente atubele halo diplomacia iha-ne'ebá, tanba saida mak Buibere sira mak iha-ne'ebá hotu nem iha Maubere ida?

Mak ne'e deit.

Obrigado barak.

Sr.^a **Presidente**: — Taka tiha lai besi ne'e, Sr. Deputado.

Sr. Deputado, lalika protesta! Uluk Sr. Aniceto sai lori mane hotu mós ami la iha interesse ida...

Hamnasa husi CNRT.

... Ne'e ka? Quando ita critica, ita consequente ho ita-nia decisões...

Deputado sira husi FRETILIN husu ponto de ordem.

... Lalika husu ponto de ordem, ha'u sei la fó.

Segundo, eu pedi autorização dos presidentes das bancadas molok ha'u hili, *okay*, ne'ebe, *AIPA* ne'e, quando delegação la'ós membro, ha'u hili sé mak bá ho ha'u. Sr. Presidente Aniceto mós hili ona sé mak bá ho Sua Excelência.

Kona-ba *Women Parliamentarians*, la'o hela iha GMPTL para determina sé mak atu bá. Atu sai bá li'ur, iha assunto balu que é da competência do Presidente do Parlamento, ne'ebe ita atu questiona malu ita ko'alia iha líderes das bancadas para ita lalika mai critica malu iha Plenária, ema barak mak rona ne'e, *okay*? Ne'ebe'ita bele entende malu, selae ita critica malu, mas não tem pés nem cabeça, ne'e dala ida.

Tuirmai, ha'u lakohi foti tempo naruk liután. Ha'u sei fó tempo ba Sr. Deputado... quando ema atu bá halo serbisu ne'e haree serbisu, la'ós sé mak bá, ne'ebe *not the man behind the game*.

Ikusliu, Sr. Deputado Antoninho Bianco.

Sr. **Antoninho Bianco** (FRETILIN): — Boa tarde, Presidente Parlamento Nacional, Vice no Secretário sira hotu, representante Governo, colega Deputada no Deputado sira hotu no povo sira ne'ebé acompanha.

Dala ida-ne'e ha'u atu ko'alia kona-ba assuntos legais liga ba eleição líder comunitário nian.

Lei n.º 9/2016, kona-ba suco nian, liga ba Decreto do Governo 9/2023 nu'udar implementação husi Lei n.º 9/2026. Ha'u halo leitura lei ne'e hotu, Decreto-lei ne'e mós halo referência ba lei ne'e, maibé

ha'u seidauk haree buat ne'e halo ema iha kraik atu implementa, ne'e mak sei confusão: iha parte ne'ebé, oinsá maka atu produz boletim de votos.

Processo apresentação candidatura, tuir lei, tem que hala'o iha 13 de outubro, ba suco nian, candidato ba suco, maibé ba aldeia sira sei acontece iha momento ne'ebé hanesan, eleição dia 28 de outubro. Questão ne'ebé ha'u coloca semana liubá ha'u hakarak hatene ho clareza.

Tipo de apresentação, *okay*, iha regras ne'e, só que atu produz boletim de votos ne'e maka ema confusão, tanba decreto do Governo ne'ebé ha'u lê mós la iha clareza, só hatene de'it data, fixação data, e la hatudu katak atu produz boletim de votos ne'e hanesan ne'ebé, tanba ne'e ha'u husu ba Governo, tanba ha'u halo disseminação informação kona-ba lei iha contacto eleitoral ao mesmo tempo dissemina informação kona-ba decreto-lei ne'ebé la'o. Maibé sira husu pergunta: «Boletim de votos ne'e bá atu produz halo nu'usá?». Ha'u dehan: «lei mak dehan, tau naran de'it depois iha coluna ida atu vota». Agora sira dehan nune'e: «tau naran ne'e, ami la hatene atu vota ba sé». Sé mak halo boletim voto, assembleia geral iha aldeia mak produz. Ema sira ho capacidade halo nu'usá mak bele produz e boletim de votos halo nu'usá, então, ida-ne'e tem que esclarece tanba lei hatete buat ida, maibé decreto do Governo tem que esclarece claro.

Se ema ida, naran na'in rua-tolu, candidato na'in-lima, agora concorre ba chefe aldeia de'it. Nain-lima ne'e boletim de votos tau naran de'it ema balu la hatene lê, halo nu'usá mak nia bele identifica nia candidato ne'e, nia bá vota, ida be nia bá tau iha urna ne'e ida de'it. Ne'e confusão! Di'ak liu opta buat ne'ebé uluk ami iha I Legislatura, momento ne'ebá ami produz, ninia urnas bele tau iha cabina de votos ne'e bele tuir candidato ne'ebé iha. Agora, ita imprime boletim ida que tuir mesa assembleia aldeia na'in-tolu ne'ebé hili ne'e para produz, assina hotu, depois sira bá haree urna iha laran ho fotografia iha laran.

Agora ita-nia questão, STAE (Secretariado Técnico de Administração Eleitoral) prepara ida-ne'e ka lae, tanba sé mak realiza, ne'e sira iha base. Será que sira iha base iha orçamento atubele halo ida-ne'e? Então, boletim de votos ne'e ita produz halo nu'usá? Ne'e cuidado! Ne'e assunto la'ós fácil. Assunto ne'e Parlamento tem que preocupa, representante povo, tanba preocupação kona-ba boletim votos. Ida-ne'e acontece dala ida de'it iha Timor tomak, aldeia 2000 resin, agora, oinsá mak atu resolve? Apresentação ba chefe suco nian sei acontece iha dia 13 de outubro, ha'u hanoin, Ita-Boot sira haree to'ok buat sira-ne'e. Ne'e ba candidato sira, mas aldeia ne'e iha situação ida que *serentak*, dia 28 de outubro tem que tama iha assembleia geral militante, depois apresenta dala ida, boletim voto halo nu'usá? Nune'e mós ho delegado no delegada, ema na'in-tolu mak sei hili iha aldeia. Chefe aldeia no mós delegado ka delegada, pacote ida de'it. Se chefe aldeia candidato na'in lima-neen, oinsá mak resolve? Se delegado ne'e mós hanesan ne'e oinsá resolve? Ne'e questão técnica e tem que esclarece urgentemente. Ha'u hatete tanba ne'e acontece iha território tomak.

E decreto ne'ebé ha'u lê ne'e, decreto do Governo ne'e, la claro, 9/2023. Ha'u hatete, questão regras, questão sira-ne'ebé ita atu enfrenta agora, ne'ebe, agora Vice-Ministro, representa Governo, hat'o kedas ba Conselho de Ministros e hat'o ba ministério ne'ebé assume responsabilidade ne'e para, dissemina de'it, lae! oinsá mak facilita ita-nia líder comunitário sira iha-ne'ebá atu gere mesa assembleia aldeia no mós suco. Ne'e questão legal, iha lacunas, e oinsá atu preenche.

Ida-ne'e ha'u hat'o, Governo bele responde iha-ne'e, ha'u hanoin, difícil uitoan. Ha'u mós halo leitura tiha hotu ona, iha lacuna balu iha-ne'ebá e povo exige atu iha tempo badak ne'e bele resolve.

Obrigado barak.

Sr.^a **Presidente**: — Muito obrigada, Sr. Deputado.

Ha'u iha pedido ponto de ordem, a Sr.^a Maria Barreto. Por favor fundamente!

Halo favor, um minuto.

Sr.^a **Maria Gorumali Barreto** (CNRT): — Obrigada, Sr.^a Presidente, boa tarde ba distinto Deputado no Deputada sira hotu.

Tanba ponto de ordem, ha'u direta.

Sr.^a Presidente, ba composição delegação *AIPA* ne'ebé bá, ne'e hatudu ba mundo katak feto Timor mós bele, delegação maioria feto, e, ko'alia assunto diplomático ne'ebé representa povo Timor-Leste nia interesse. Mas, quando delegação ne'ebé bá ne'e mane hotu, ida-ne'e mak ita foti preocupação tanba assunto feto la ko'alia iha-ne'ebá. Ne'ebe, ba ha'u normal hela, ita lalika *protes*, igualdade de género ita foti kona-ba decisão ne'ebé ko'alia tem que representa feto nia assunto.

Obrigada barak.

Sr.^a **Presidente**: — Sr.^a Deputada, ha'u responde tiha ona, iha-ne'ebá mós ohin foti ponto de ordem fali ne'e? Mas, ha'u hanoin, hanesan ne'e, Srs. Deputados, ho respeito tomak, matéria saida mak ita ko'alia iha-ne'ebá, se mai ita questiona ne'e, ohin iha relatório nem ida questiona ne'e?

Ha'u la husu para louva porque ami mós bele halo sala, um deles, distinto Deputado David ko'alia, não é? Ne'ebe, ha'u hanoin, ita to'o iha final de ita-nia intervenção quase uma hora.

Ha'u fó tempo ba Sr. Vice-Ministro dos Assuntos Parlamentares para ko'alia sobre questões suscitadas pelos Srs. Deputados.

Ha'u espera katak fulan oin ita hahú mós ho sessão de intervenções em português para ita fó exemplo ba escolas no mós assunto sira seluk. Ita bele mistura mós ho inglês porque *AIPA* ho *ASEAN* também a gente de lá fala inglês e português, ne'ebe, ha'u hanoin, mai ita hotu.

Hodi nune'e, para poupa tempo molok tuku ida, ha'u fó tempo ba Sr. Vice-Ministro, Ita-Boot nia tempo suficiente tanba foram 22 Deputados. Se quiser responder, tempo ba Ita-Boot ha'u fó uluk dez minutos.

Halo favor.

Sr. Vice-Ministro dos Assuntos Parlamentares (Adérito Hugo da Costa): — Sr.^a Presidente, obrigado barak, distinta Deputada no Deputado sira, boa tarde.

Ha'u regista intervenção 21, ha'u sei la bele fó resposta ho tempo ne'ebé fó ba ha'u. Mas, ha'u hahú kedas ho primeira intervenção Sr. Deputado Antoninho Bianco ninian liga ho calendário nacional ba eleição suco ninian, ne'ebé daudauk Ministério da Administração Estatal ho equipa iha nacional no municipal, administrador sira iha município no administrador sira iha posto, hala'o hela serviço namanas ba campanha kona-ba regra sira-ne'ebé população tem que entende ba celebração eleição chefe suco nian iha 20 de outubro.

Portanto, ami regista nafatin preocupação no observação ne'ebé pertinente tebetebes husi Sr. Deputado para depois, em princípio, eleição ita halo, maibé eleição ne'e tem que iha ninia qualidade ne'ebé ita hotu-hotu prefere atu acontece.

Ami regista hela observação Sr. Deputado nian para depois Ministério da Administração Estatal ho ninia componente tomak, durante halo socialização iha kraik, bele atualiza informação ne'e mais detalhada ba povo próprio, depois mai Sr. Deputado.

Ha'u atu fó resposta de'it sobre sequência sira, depois de intervenção, bainhira mak resposta mai. Hanesan baibain, intervenção sira ne'ebé Sr. Deputado sira foti, ami regista hotu e envia kedas, mais tardar aban envia kedas ba ministério sira relevante para sira fó resposta. Iha regimento hatete katak resposta bele até máximo um mês, mas ami tenta para máximo semana oin bele fó resposta. Ne'e mak ami tenta hela durante ne'e.

E resposta escrita mai, hanesan ohin Sr. Deputada Lízia hatete, katak atu fó resposta ho anexo sira, dados sira la completo karik, ami hein katak bele corrige kedas para depois haruka fali ba ministério ne'ebé halo resposta, karik la loos ho fatos iha terreno.

Segundo, kona-ba assunto ida semana hirak tuituir malu Sr. Deputado Mandati foti, Sr. Deputado Luís, Sr.^a Deputada Helena ohin foti, kona-ba restos mortais, ha'u envia ona ba ministério relevante, fó ona resposta escrita dala hira, maibé to'o ohin ha'u regista tan intervenção. Ha'u hanoin katak assunto ne'e assunto nacional ona e ha'u husu, karik, Sr. Deputado sira, ba resposta sira tuirmai agora ba pergunta sira ohin daudauk ha'u regista ne'e, ita bele usa mós Regimento para di'ak liu usa ona espaço ida Perguntas ao Governo, para depois Sr. Ministro mak mai direta para iha sessão ida especial para ita ko'alia de'it assunto ida restos mortais nian ne'e.

Ha'u husu ho haraik an, Sr. Deputado sira, atu usa Regimento artigo 152.º karik, Debates com Ministros, Sr. Deputado sira usa ida-ne'e para depois ita convida ministro relevante ho assunto ida-ne'e mai ita bele halo discussão ida detalhada loos de'it ba assunto ida-ne'e tanba resposta escrita ne'ebé Sr. Ministro halo ne'e dala hira, mas Sr. Deputado sira, ba assunto hanesan ha'u sei regista nafatin ho perguntas hanesan. E, ohin Sr.^a Deputada Helena dehan katak sei continua halo perguntas nafatin ba assunto hanesan iha loron-segunda e loron-terça, então, tanba assunto ne'e assunto ida nacional, assunto ida liga mós ho relação ho país vizinho, ita muda ona ninia fatin ba discussão assunto ne'e iha nível ida mais elevado uitoan, mais específico uitoan, ba «Debate ho membro Governo». Ha'u espera katak Sr. Deputado sira concorda ho ha'u, bele halo andamento ba discussão ida-ne'e ho mais detalhes.

Terceiro, Sr.^a Deputada Angelina nian, ko'alia kona-ba preço foos ne'ebé continua, iha terreno, la iha mudança, enquanto ita halo ona alteração ba regime taxa ninian iha orçamento retificativo, Governo, dala ida tan, além de reduz taxa iha orçamento retificativo ne'ebé foin efetivo depois de aprovação, Presidente da República promulga, liuhusi Ministério do Comércio e Indústria, ho coordenação ho Ministro Coordenador dos Assuntos Económico nian, Sr. Vice-Primeiro-Ministro, hala'o hela serbisu ho entidade relevante sira, inclui CLN (Centro Logística Nacional) para haree levantamento fatos iha terreno, haree oinsá atu halo intervenção ba mercado quando preço sira-ne'e continua sa'e nafatin.

Questão ida Governo haree daudauk, hala'o hela serbisu, maka halo visita, foti dados husi importador foos, importador ida setor privado ho mós CLN nia *stock* atual, ne'ebé ninia importação tama mai rai-laran kona regime ida 5% taxa importação nian para iha possibilidade atu iha subsídio ba *stock* ne'ebé importa mai ho regime 5% taxa, katak importação sira ne'ebé mai depois de taxa ita hatún ba 2,5% taxa importação, ne'e la iha ona subsídio. Subsídio ba *stock* ne'ebé mai ho regime taxa 5% nian, ne'e mak agora ministério relevante sira hala'o serbisu namanas hela, em coordenação ho importador sira no mós CLN, para haree situação ida-ne'e lori halo intervenção hodi possível atu fó subsídio.

Questão seluk la'ós de'it questão taxa 5% ninia impacto ba foos folin sa'e, maibé Governo mós observa hela situação iha país sira-ne'ebé produz foos, hanesan Índia, Tailândia no Vietname, ne'ebé reduz e hapara tiha sira-nia política halo exportação foos.

Tendência ne'e atu to'o iha-ne'ebé, Governo halo hela comunicação, através de contacto bilateral mós halo hela namanas, para depois haree possibilidade torneira ida bandu tiha atu halo exportação foos ne'e, karik tanba volume mai Timor ne'ebé ita precisa la'ós boot, então através de canal sira-ne'e Governo bele comunica ho país exportador para bele loke torneira ne'e uitoan mai Timor-Leste tanba Timor la precisa barak hanesan país seluk nian. Então, ida-ne'e mak serbisu ne'ebé hala'o hela.

Inclui mós questão ida liga ho preço tabaco ninian, tanba tabaco mós hanesan, ita hatun nia taxa, maibé nafatin ninia preço sei sa'e, Governo regista ida-ne'e atu haree nafatin, e, liuliu Ministério do Comércio e Indústria, hala'o hela serbisu iha terreno para haree assunto sira-ne'e.

Assunto sira seluk, kona-ba reabilitação estrada, Sr. Deputado sira hotu, ami regista observação sira-ne'e hotu, maibé ba orçamento retificativo, liuliu liga ho desastre ne'ebé acontece iha último mês hirak bá kotuk, Governo, agora duni, liuhusi Ministério das Obras Públicas orienta ona companhia sira para halo normalização ba estrada sira-ne'ebé afetado husi desastre. Ba construção estrada sira-ne'e hotu barak liu sei halo iha orçamento 2024 ninian. Agora Ministério das Obras Públicas coordena hela mak setor privado sira hodi halo normalização ba estrada – irrigação sira – lori loke corredor conectividade husi Díli ba município, município ba posto, posto ba suco sira.

Sr. Deputado Abel ohin ko'alia loos duni, troço ida-ne'e, Maibesi – Turiskai, Turiskai – Fahinehan, Alas – Fatuberliu – Same, iha suco 10 resin mak iha situação ida estrada aat tebetebes, nunca hadi'a. Balu halo hela estrada ne'e iha 2017, 2028, mas, depois Governo sira la fó andamento ba obra sira-ne'e e considera abandonada, e agora duni suco sira-ne'e nafatin iha hela iha situação ida la bele iha acesso di'ak ba estrada. Por exemplo, iha estrada troço ida Turiscaí ba Orana, ohin Sr. Deputado dehan, Bubususu, Fahinehan to'o Alas, Governo anterior aloca hela orçamento ida, halo levantamento dados iha troço ida-ne'e ho valor 900 000 USD, maibé la consegue halo implementação ba projeto ne'e atu loke «tenderização» para companhia sira bele loke estrada troço ida ohin Sr. Deputado dehan ne'e.

Portanto, ami regista nafatin, iha necessidade atubele continua haree troço sira-ne'ebé iha situação aat, e população sira-ne'ebé hela parte sira-ne'ebá nafatin isolado, sem iha acesso bá estrada di'ak.

Sr. Deputado sira hotu, ha'u hanoin, assunto sira seluk ha'u sei envia ba ministério sira atu fó resposta escrita para mais detalhes, tanba dala ida ha'u koko atu responde hotu pergunta sira-ne'e, Deputado sira dehan katak: «Sr. Vice pretende hatene buat hotu-hotu». Ha'u simu observação ida-ne'e no dehan «ha'u só bele fó resposta de'it buat ne'ebé ha'u hatene, ha'u conhece, e sira-ne'ebé ha'u conhece, mas ladún concreta, ha'u concorda ho Sr. Deputado sira-nia observação katak di'ak liu envia ba ministério sira para fó resposta escrita e ha'u halo serbisu ida-ne'e, e, semana ida ha'u envia e ha'u espera katak semana oin sira bele fó resposta mai Sr. Deputado sira para mais detalhes.

Sr.^a **Presidente**: — Sr. Vice-Ministro, se precisa tempo, ha'u aumenta tan cinco minutos.

Sr. **Vice-Ministro dos Assuntos Parlamentares** (Adérito Hugo da Costa): — Sr.^a Presidente, ha'u hanoin, ida-ne'e mak ha'u bele responde, assunto ne'ebé ha'u sente katak ha'u bele fó resposta imediata. Sira seluk ha'u sei envia ba linha ministerial sira para bele fó resposta.

Obrigado, Sr.^a Presidente.

Sr.^a **Presidente**: — Muiéssimo obrigada, Sr. Vice-Ministro.

Labele haluha resolução que o Parlamento aprovou liga ho assuntos trabalhadores ne'ebé atu halo segurança iha ECTL nia central tanba Parlamento aprova duni resolução. Agora, iha força ka lae, ami husu para fó resposta, tanba iha balu que tara an mate tanba la iha osan hodi selu tusan iha quiosque, ne'ebe ita bele resolve dala ida. Se continua ka lae, ha'u husu ba Deputado iha Comissão competente mós tau matan ba assunto ida-ne'e.

Srs. Deputados, ita sei iha agenda rua, ha'u atu fó informação de'it, «Discussão e votação do projeto de resolução», já está pronta e membros do Conselho de Administração mós iha conhecimento ida-ne'e.

Liga ho eleição do Comissário CAC, carta aceitação husi candidato Sr. Dr. Rui iha ona, maibé Dr. Sérgio nia *on the way* mai Parlamento. Simplesmente, ha'u fó-hatene de'it katak Sr. Dr. Sérgio la simu comunicação husi Parlamento katak nia tem que haruka carta de aceitação, hodi nune'e ha'u atu husu dala ida tan, soe fali ba Plenário, se bele, aban mak ita halo eleição tanba aban ita iha agenda rua de'it.

Srs. Deputados, carta aceitação *on the way*, carroça iha kuda nia oin, ne'ebé ita hein ka? Tanba nune'e, Srs. distintos Deputados, ho respeito tomak, se ita hala'o hanesan ne'e, Sr. Dr. Sérgio la iha comunicação, nia bele hato'o nia pedido de nulidade ba eleição que ita halo, tanba Parlamento, por descuido ita-nian ou talvez lapso da Fernanda, ita la haruka carta bá fó-hatene ba candidato sira. Foi por via telefone, ida-ne'e ha'u lamenta. Ne'ebe, se bele ita tetu, aban, depois de contacto oficialmente ho carta, ita halo votação aban. É só diferença de um dia.

Iha Deputado balu ko'alia kona-ba reagendamento.

Reagendar? não! Nós pedimos, iha líderes das bancadas ha'u hato'o, maibé hamnasa tanba processo loos ona. Be carta de aceitação, onde é que esta? Ne'ebe, Srs. Deputados, problema mak ida-ne'e, ita iha deficiência.

Ita-nia apoio técnico sira, ha'u la fó sala ba sira, sala ha'u-nian, tanba aceita tiha iha líderes das bancadas, maibé processo sira-ne'e la la'o. Ohin dadeer mak ha'u husu, «Carta aceitação iha-ne'ebé? Sr. Dr. Sérgio nian OTW, *on the way to* Parlamento», ne'ebe dala ida tan, ha'u soe liga ho eleição ba comissário CAC nian para ita hodi tetu.

Ha'u iha pedido ona, ha'u fó ba Sr. Deputado Aniceto Guterres atu ter a palavra pronunciar alguma coisa. E, cada bancada ha'u fó para ko'alia para ita hodi haree o que é que ita bele halo.

Halo favor, Sr. Deputado Aniceto.

Sr. **Aniceto Longuinhos Guterres Lopes** (FRETILIN): — Obrigado, Sr.^a Presidente.

Kona-ba agenda sira-ne'e, concorda ba halo adiamento ba eleição Comissário CAC, e adia mós kona-ba discussão ba plano estratégico ne'e. Ha'u la iha problema tanba ha'u hetan documento iha conferência líderes bancadas.

Embora ha'u seidauk halo leitura ida-ne'ebé kle'an, ha'u haree liu, documento di'ak, mas Deputado sira seluk quase seidauk halo leitura. Ho sira-nia pedido, nu'udar chefe bancada, ha'u husu atu adia ba aban mós, ida discussão kona-ba plano estratégico.

Conselho de Administração, sim, aprova tiha ona, maibé documento ne'e sai oficial ne'e quando aprova husi Plenária ida-ne'e, e Plenária mak iha força, iha autoridade atu aprova, e sira tem que inteira didi'ak antes de sira aprova. Ho razão ida-ne'e mak ha'u husu adia hotu dala ida agenda rua ne'e.

Obrigado, Sr.^a Presidente.

Sr.^a **Presidente**: — Ha'u atu hatán, mas iha tan pedido ponto de ordem.

Sr. Deputado António Verdial.

Halo favor.

Sr. **António Verdial de Sousa** (KHUNTO): — Muito obrigado, Sr.^a Presidente.

Ha'u hanoin, ha'u secunda saida mak hanoin husi Presidente Bancada FRETILIN. Documento kona-ba Plano Estratégico do Parlamento Nacional, ha'u rasik foin simu ohin dadeer, ha'u seidauk lê didi'ak, ho nune'e mak husu fó atan-ami atu iha biban hodi lê assunto ida-ne'e. Tanba ha'u lê liu oin ne'e, ha'u haree buat balu ne'ebé precisa ita hadi'a, ne'ebe ha'u husu atu *tunda* lai, atu nune'e aban mak ita realiza ita-nia serbisu ida-ne'e.

Muito obrigado, Sr.^a Presidente.

Sr.^a **Presidente**: — Srs. distintos Deputados, este documento iha legislatura quando Sr. Presidente Aniceto era Presidente, ha'u mós membro do Conselho de Administração, ha'u corrige duni. E, iha reunião foin lailais ne'e ha'u hato'o ida ha'u corrige hasai tiha ne'e mós ba membro do Conselho de Administração. O que ha'u lamenta, os membros do Conselho de Administração, depois de aprova, la hato'o ba distintos Deputados em cada bancada. Se precisa por solicitação, ita-nia bancada bele haruka mai Plenária, bele fotocopia. Agora, ita atu aprova para serve de *guide* ba Orçamento 2024, ha'u espera katak aban ita bele aprova, ne'e ka distintos Deputados? Tanba iha documento Conta Geral do Estado mós ha'u dehan, por solicitação do Deputado, podemos tirar cópias, porque os documentos são volumosos, mahar. Se Deputado sira husu tiha, la lê, ha'u confusão uitoan.

Ne'e mak dala ida tan, ho resposta tomak, ha'u husu ba membro do Conselho de Administração, se bele husu to'ok bancada hakarak, ita fotocopia, ita fó, porque selae to'o iha líderes das bancadas husu fali ha'u, ha'u hakfodak, então é sinal não tem comunicação entre o membro que representa bancada iha Conselho de Administração.

Ha'u espera ha'u sala, maibé ita hadi'a ita-nia comunicação hodi bele por solicitação, e ha'u espera katak ho *internet* di'ak liután, ha'u bele fó cópia digital para Deputado sira bele fó recomendações. Atu hadi'a, Sr. Deputado, *it's too late*, tarde uitoan tanba tem que *bongkar* hotu, ne'ebe, Ita-Boot fó fiar ba Ita-Boot sira-nia bancada, fó fiar ba Deputada Irene, tanba ne'e ita atu halo ba plano anual, plano estratégico de cinco anos, atu hadi'a tan iha-ne'ebá, ha'u confusão fali. Está bém? Ita ajusta anualmente de acordo com orçamento, mas agora dehan atu hadi'a plano estratégico, ha'u confusa uitoan. E ha'u espera katak ho recrutamento futuramente ba ita-nia técnico sira para apoio Deputado sira, *please*, por favor lê documentos necessários e hato'o ba Deputado sira para *on time* ita bele hadi'a documento sira, selae ita bá oin, mai kotuk, ha'u susar uitoan halo gestão iha ponto ida-ne'e.

Ne'ebe, dala ida tan ha'u agradece, Srs. Deputados.

Ou sei iha bancada ruma atu pronuncia ba eleição? Ka hotu-hotu concorda ho intervenção do Sr. Deputado Aniceto Guterres?

Ha'u seidauk husu ba Deputada Olinda, ha'u husu ba Bancada ida-idak. Bancada do CNRT tem uma palavra? Bancada do PLP? Bancada do PD? Se não tiver, ha'u considera concorda, e aban ita prepara didi'ak, ha'u sei iha cuidado atu bá *check* carta ba Sr. Doutor Sérgio Hornay para garante katak iha duni correspondência, maibé ninia surat la to'o iha-ne'e.

Hodi nune'e, ha'u agradece ba participação Ita-Boot sira-nian, ita ba almoço. E, loraik ita la iha atividade, ha'u husu ba Comissão C atu tau matan ba agendamento das audiências com as instituições liga ho Conta Geral do Estado de 2022 tanba tem o prazo de 30 dias. Em caso de necessidade, solicita a extensão bainhira tempo la to'o atu completa, tanba ne'e regras ne'ebé iha tiha ona iha Lei de Enquadramento Orçamental que foi aprovada por este Parlamento.

Halo favor, Sr.^a Presidente.

Sr.^a **Cedelízia Faria dos Santos** (CNRT): — Muito obrigada, Presidente.

Em relação ho Ita-Boot nia informação kona-ba Conta Geral do Estado, ami, Comissão C, prepara ona ami-nia agenda ba quarta, bainrua, ho quinta nian. Audiência ne'e ho Comissão, maibé loke oportunidade ba Deputado sira hotu, sé mak hakarak participa, bele mai tuir Plenária iha loron quarta ho quinta.

Obrigada barak, Presidente, carta ami prepara no haruka ona ba Ita-Boot nia gabinete.

Sr.^a **Presidente**: — Também ao Governo, tanba Vice-Ministro dos Assuntos Parlamentares iha-ne'e, ha'u fó seguimento ba Sr. Primeiro-Ministro para evita problemas iha futuro.

Muitíssimo obrigado e boa tarde e bom almoço para todos.

Horas hatudu tuku 1 liu minuto 17 lokraik.